




"Ўзбек геология қидирув" АЖ

2024 йил " 20 " 03 даги 29 сонли

Буйруғига Илова

"Ўзбек геология қидирув" акциядорлик жамиятида ХАРИД ФАОЛИЯТИ ҲАҚИДАГИ НИЗОМ

Ушбу ҳужжат "Ўзбек геология қидирув" акциядорлик жамиятининг мулки ҳисобланади ва сир сақланадиган маълумот саналади. Ушбу ҳужжатнинг мазмуни тўлиқ ёки қисмларга бўлиб эшиттирилиши ёки унинг ўзи Жамият ходими бўлмаган учинчи шахсларга берилиши мумкин эмас. Ҳар қандай ўзгартириш ушбу ҳужжатнинг аслига ёки фақат унинг назорат қилинадиган нусхасига қўйилади.

1. АСОСИЙ ҚОИДАЛАР

- 1.1. "Ўзбек геология кидирув" акциядорлик жамиятида харид фаолияти ҳақидаги ушбу Низом (бундан кейинги ўринларда "Низом" дейилади) "Ўзбек геология кидирув" АЖ эҳтиёжи учун буюртмалар тайёрлаш, режа қилиш ва товарлар (иш, хизматлар) сотиб олиш (йиллик/қўшимча) (бундан кейин бирга ишлатилганда "Харид фаолияти" дейилади) тарбини белгилайди.
- 1.2. Низом давлат харидларини амалга оширишнинг умумий тартибини белгилаб берадиган ҳамда коррупцияга қаршилиқ қилиш чораларини кўрадиган збекистон Республикаси қонунчилиги ва Ўзбекистон Республикасининг бошқа меъёрий-ҳуқуқий ҳужжатларига мувофиқ тузилган.
- 1.3. "Ўзбек геология кидирув" АЖ харид фаолиятининг асосий қоидалари қуйидагилардан иборат бўлади:
- товар (иш, хизмат) сотиб олиш жараёни режасини тузиш;
 - "Ўзбек геология кидирув" АЖ таркибий бўлинмаларининг ишлаб чиқариш режалари (прогноزلари, мақсад қилинган кўрсаткичлари)га асосланиб буюртмалар тайёрлаш;
 - харидда коррупция бўлишига йўл қўймаслик, харид ҳақидаги қарорлар асосли, очик, вақтида ва профессионал бўлишига ҳамда кўпчилик бўлиб қабул қилинишига эришиш;
 - харид фаолиятининг ҳар битта босқичини кўп даражада назорат қилиш;
 - сотиб олинadиган товар (иш, хизмат) энергияни тежайдиган, технологик, юқори даражада самарадор, сифатли ва экологик хавфсиз бўлиши керак;
 - сотиб олинadиган товар (иш, хизмат)нинг сифати, самарадорлиги ва янгилиги талаб қилинган даражада бўлгани ҳолда молиявий ресурслардан фойдаланиш самарадорлигини ошириб харажатни оптималлаштиришга эришиш;
 - тузиладиган буюртма ҳамда техник топшириқлар асосли ва сифатли бўлиши учун харид жараёнида қатнашаётган ҳар битта иштирокчи шахсан жавоб бериши, сифатли, янги ва техник топшириқ талабига тўғри келадиган товар сотиб олиш.
- 1.4. Жамият бошқарув аппарати, унинг таркибидаги бўлинмалар ва ходимнинг ўзи нима иш бажариши ва қандай вазифа билан шуғулланишидан қатъий назар ушбу Низом талаблари харид билан шуғулланadиган барча раҳбарлар ва ходимлар учун мажбурий ҳисобланади.

2. АТАМАЛАР ВА ТАЪРИФЛАР

Ушбу Низомда қуйидаги асосий атамалар ва таърифлар ишлатилган:

Бенефициар мулк эгаси

охир оқибатда мулкни эгалик ҳуқуқи билан тасарруф қиладиган ёки контрагентни ҳақиқатда назорат қиладиган, унинг манфаати учун пул маблағи ёки бошқа мулк билан амалиёт бажариладиган шахс, шу жумладан, жисмоний шахс.

Харид

тузилган шартномага (контрактга) асосан ўзининг ишлаб чиқариш билан боғлиқ ёки ишлаб чиқариш билан боғлиқ бўлмаган эҳтиёжи учун пулли асосда товар (иш, хизмат) сотиб олишни (харид қилишни, ёллашни, ижарага олишни (шу жумладан, лизинга олишни), вақтинча ва (ёки) доим фойдаланишни назарда тутадиган харид қилиш тартиб тамойили;

Харид комиссияси

харидни ташкил қилиш билан шуғулланadиган, товар (иш, хизмат) етказиб берувчиларнинг техник тижорий таклифлари (ТТТ) натижасини чиқариш (баҳолаш) учун тузилган, шу жумладан, хариднинг алоҳида босқичлари ва тартиб тамойилига баҳо берадиган мустақил ва доим ишлайдиган коллегиял орган;

Контрагентнинг бенефициар мулк эгасини аниқлаш

Қонунчилик белгилаб қўйган таъсис ҳужжатларини (устав ва (ёки) таъсис шартномасини), низомларни ва таъқиқланмаган бошқа манбаларни (шу жумладан, ихтисослашган интернет ресурсларни, хизматларни ва агрегатларни) кўриб чиқиб мулкнинг таркибий қисми ва бошқарувни ўрганиш йўли билан ҳуқуқий шахснинг мулкига эгалик қилувчи шахс, шу жумладан, жисмоний шахс ким эканини аниқлаш;

Харид таклифини берувчи	харид қилишга эҳтиёжи бор ва уни ўтказиш таклифини берадиган тегишли йўналишларга жавоб берадиган бошқарув раиси ўринбосарлари, капитал қурилиш ва ижтимоий масалалар департаменти директори, Жамият бошқарув аппаратидаги бошқарма ва бўлим бошлиқлари, таркибий бўлинма раҳбарлари ва мутахассислари;
Манфаатлари қарама-қаршилиги	қайси лавозимда ишлашидан қатъий назар “Ўзбек геология кидирув” АЖ ходимининг шахсий манфаати ва боғлиқлиги унинг лавозими (хизмати) билан боғлиқ вазифасини объектив ва ҳолис бажаришига бевосита ёки билвосита таъсир қиладиган ёки шундай таъсир қилиши мумкин бўлган, бундай ҳолатни очиш ёки олдини олиш учун вақтида чора кўрмаслик эса ходимнинг белгиланган тартибда жавобгар бўлишига олиб келадиган вазият;
Захиралар камаймаслиги	тўхтаб қолиши ёки бузилиши ишлаб чиқариш дастури бажарилмаслигига олиб келадиган асосий технологик жиҳозлар ва инфратизилма доим ишлаб туриши ва тикланиши учун зарур бўладиган, онборда сақланадиган товарлар;
Энг яхши таклифни танлаш	харид жараёни бир нечта иштирокчисидан олинган таклифлар солиштирилгандан кейингина давлат харидини амалга оширишнинг рақобатли усули;
Маъсул ижрочи	зарур товарларни (ишни, хизматни) сотиб олиш билан бевосита шуғулланадиган, ҳар битта харид учун керак бўладиган ҳужжатларни тўлиқ йиғадиган, товарлар Марказий онборга етказиб берилишини ташкил қиладиган, товар (иш, хизмат) етказиб берувчилар шартномадаги мажбуриятларини бажаришларини назорат қиладиган харид бошқармалари (харид ва маркетинг бўлимлари)нинг раҳбар ва тегишли тартибда тасдиқланадиган, "Ўзбек геология кидирув" АЖ эҳтиёжи учун керак бўладиган товарлар (иш, хизматлар) харид қилишнинг йиллик ва чорақлик режа жадвали;
Харид режа жадвали	
Товар етказиб берувчи	тузилган шартнома (контракт) шартларига мувофиқ товар етказиб берадиган (сотадиган), иш бажарадиган ёки хизмат қиладиган ҳуқуқий ёки жисмоний шахс, шу жумладан, норезидент;
Биринчи нархни тушириш	ташкил этилганда ғолиб аниқланишининг ягона мезони нарх бўладиган давлат харидлари электрон тизимидаги махсус платформада давлат харидларини амалга оширишнинг рақобатли усули.
Бевосита харид	қонунчиликка мувофиқ бевосита шартнома тузиб амалга ошириладиган харид;
Заҳира ғолиб	Харид комиссиясининг қарорига кўра тартиб тамойил тугаганидан сўнг таклифи ғолибнинг таклифидан кейин энг оптимал ва мақбул билан топилган харид тартиб тамойилининг иштирокчиси;
Сайт	"Ўзбек геология кидирув" АЖнинг https://uzgeo.uz/ru манзилидаги интернет тармоғидаги расмий корпоратив веб сайти;
Махсус ахборот портали (МАП)	ваколатли орган юритадиган, харид ҳақида эълонлар бериладиган, харид комиссиясининг баённомалари, харид режа жадваллари, товар (иш, хизмат) сотиб олиш ҳамда тузилган шартномалар (контрактлар) ҳақида маълумот жойланадиган давлат харидларининг интернет тармоғидаги махсус ахборот тармоғи;

Тендер

давлат харидларини амалга оширишнинг рақобатли тартиб тамойилига асосланиб ва давлат харидлари ижрочисини аниқлаш тартибига мувофиқ ўтказиладиган, натижасига қараб шартнома бажарилишининг энг яхши шартларини (шу жумладан, нархи, сифати, янгилиги, етказиб бериш муддати, тўлов шартлари ва ҳк.) таклиф қилган харид тартиб тамойилининг иштирокчиси ғолиб деб топиладиган конкурс;

Техник топширик (ТТ)

давлат буюртмачиси товарнинг (ишнинг, хизматнинг) асосий мақсади ва хусусиятига қўядиган талаб, бирламчи маълумотга, давлат харидининг мақсади ва вазифасига, товарни етказиб бериш муддатига, бажариладиган ишга, кўрсатиладиган хизматга, сифат кафолатига, техник тавсифига, миқдорига, ҳисобот бериш шаклига (зарурат бўлса), товарнинг (ишнинг, хизматнинг) ўзига қўйилган талабнинг асосланиши ёзилган ҳамда эквивалент кўрсаткичлари, иқтисодий ва бошқа алоҳида талаблар кўрсатиладиган ҳужжат;

Харид тартиб тамойилининг иштирокчилари

"Ўзбек геология қидирув" АЖнинг харид тартиб тамойилида иштирок этаётган потенциал контрагентлар (ҳукукий ёки жисмоний шахслар, шу жумладан, норезидентлар), уларнинг вакиллари ҳамда контрагентларнинг ҳамкорлари;

Электрон шериклик портали

хўжалик алоқаларини ўрнатиш, шу жумладан, узоқни мўлжаллаб ишлаш учун мамлакатимиз ишлаб чиқарувчиларини топиш, улар билан тез узоқдан туриб саноат маҳсулотларини етказиб беришга шартнома (контракт) тузиш имкониятини берадиган махсус ахборот портали;

Электрон дўкон

давлат харидларининг махсус электрон майдонида электрон кўринишда ўтказиладиган савдода махсус талаб қўйилмайдиган давлат харидлари учун товар (иш, хизмат) сотиб олишнинг рақобатли усули;

ЭРИ

электрон рақамли имзо

3. ХАРИД МАҚСАДИ

Хариднинг асосий мақсади "Ўзбек геология қидирув" АЖ фаолиятини сифати яхши, ишончли, нархи мақбул бўладиган товарлар (иш, хизмат) билан белгилаб қўйилган муддатда ва оптимал тўлов, логистика ва етказиб бериш шартлари билан таъминлаш ҳисобланади.

4. ХАРИД ЖАРАЁНИНИНГ УМУМИЙ ҚОИДАЛАРИ

- 4.1. "Ўзбек геология қидирув" АЖ фаолияти Ўзбекистон Республикасининг давлат харидларини тартибга соладиган қонунчилиги амал қиладиган фаолият ҳисобланади.
- 4.2. Харид бошқармасининг раҳбар ва ходимлари (бундан кейинги ўринларда "Масъул ижрочилар") товар (иш, хизмат) сотиб олинишини ташкил этиш ва ўтказиш, улар вақтида етказиб берилиши, товар етказиб бериладиган, иш бажариладиган ва хизмат куўрсатиладиган муддатни ҳисобга олиб сотиб олинадиган товар (иш, хизмат) нархи шаклланиши, харид тартиб тамойилини ўтказиш, қонунчилик ва бошқа меъёрий-ҳукукий ҳужжатлар доирасида ҳужжатларни расмийлаштириш, онборхоналарда доим керакли миқдордаги товар бўлишини таъминлаш, энг яхши нарх ва сифат таклифи берилган ҳар битта ариза ва тижорат таклифини сифатли кўриб чиқиш учун шахсан жавоб беришади.
- 4.3. "Ўзбек геология қидирув" АЖда товарлар (иш, хизмат)ни Жамиятнинг Харид бошқармаси, режага асосланиб харид қилади.
- 4.4. Ушбу Низомнинг харидга боғлиқ аниқ белгилаб қўйилмаган ўринларида Ўзбекистон Республикасининг давлат хариди борасидаги қонунчилиги қўлланади.
- 4.5. Харид бошқармасининг товар (иш, хизмат) сотиб олиш учун жавобгар раҳбар ва ходимлари ўз фаолиятларида ушбу Низомга, Ўзбекистон Республикаси қонунчилиги ва "Ўзбек геология қидирув" АЖнинг давлат харидлари борасидаги меъёрий ҳужжатлари, буйруқлари ва

Жамиятнинг коррупцияга қарши кураш ҳақидаги меъёрий ҳужжатларига амал қилиб ишлашади.

- 4.6. Ўзбекистон Республикаси Президентининг Фармон ва Қарорлари ҳамда Ўзбекистон Республикаси Вазирлар Маҳкамасининг Қарорлари билан белгилаб қўйилган харид тартиб тамойилларини истисно қилганда "Ўзбек геология кидирув" АЖдаги харид тартиб тамойиллари электрон кўринишда, қонунчилик билан белгилаб қўйилган тартибга мувофиқ амалга оширилади.
- 4.7. "Ўзбек геология кидирув" АЖ таркибий бўлинмаларининг товарлар (иш, хизмат) сотиб олиши қонун ҳужжатлари ва Жамиятнинг жойларда мустақил харид қилиш тартибини белгилаб қўядиган меъёрий ҳужжатларига мувофиқ ўтказилади.

5. ТОВАР (ИШ, ХИЗМАТ) СОТИБ ОЛИШГА ЁЗИЛГАН АРИЗАЛАРНИ ТОПШИРИШ, КЕЛИШИШ ВА ТАСДИҚЛАШ

- 5.1. Жорий йилнинг **1-октябрга**, кейинги йил харид қилинадиган товарлар (иш, хизмат) режа жадвалини тузиш мақсадида бошқарув аппарати ва таркибий бўлинмалар йиллик харид қилинадиган товарлар (иш, хизмат)га ҳужжат кўринишида ариза беришлари лозимлиги ҳақида "Ўзбек геология кидирув" АЖнинг Жамият буйруғи чиқарилади (бундан кейинги ўринларда "Буйруқ").
- 5.2. Буйруқда харид таклифлари кимдан тушгани, йўналишлар (фаолият тури) бўйича йиллик аризаларни тайёрлаш ва тузиш учун жавобгар ходимлар, уларни расмийлаштириш ва Жамият Харид бошқармасига топшириш муддатлари кўрсатилади.
- 5.3. Агар асосланган бўлса жорий йилда сотиб олинмаган товарлар (иш, хизмат) кейинги сотиб олиннадиган товарлар (иш, хизмат)га қўшилади.
- 5.4. Йиллик харид қилишга ариза бериш ишлаб чиқариш режаларига, тасдиқланган сарф меъёрларига мос бўлиши, жиҳозлардан фойдаланиш муддатларига, режа қилинган таъмирлаш ишлари жадвалига ва паспортлар, техник шартлар, талаблар, давлат ва халқаро стандартлар ҳамда ажратилган ресурс лимитлари, шу жумладан, товарлар (иш,хизмат) сотиб олиш учун ажратилган молиявий ресурс лимитларига қатъий асосланган ҳолда амалга оширилади.
- 5.5. Ҳар йили 1-октябрга, харид фаолиятини қонун доирасида амалга ошириш учун бўладиган оптимал шартлар ва шароитни аниқлаш (билиш), товар (иш, хизмат) сотиб олишнинг самарали механизмларини жорий қилиш ва бу жараёни рақамлаштиришни эътиборга олиб товар сотиб олиш таклифи билан чиқувчи жорий йилги харид режа жадвалини сифат ва миқдор жиҳатдан таҳлил қилади.
- 5.6. Харид қилишга ариза беришдан олдин харид таклифини берувчи (камаймайдиган заҳираларни ҳисобга олиб) олдинги аризалар бўйича харид қилинган товарнинг онбордаги қолдиғини ҳамда ҳозир амал қилаётган шартномаларга кўра қанча товар олиб келиниши кераклигини ўрганади.
- 5.7. Таҳлил натижаси кейинги йилга ариза бериш учун ишлатилади ва қуйидагиларни мақсад қилган бўлади:
- товар (иш, хизмат) сотиб олиш учун кейинги йилга бериладиган аризалар тўғри, самарали ва оптимал бўлишини таъминлаш;
 - ҳар битта ариза тўғри ва асосланган бўлиши учун Жамият бошқарув аппарати ва таркибий бўлинма раҳбарларининг жавобгарлигини ошириш;
 - бу йил бўлган камчилик ва етишмовчиликлар яна қайтарилишига йўл қўймаслик чорасини кўриш;
 - учинчи шахслар аралашинишига йўл қўймаслик, харидлар очик бўлишини таъминлаш ва "Ўзбек геология кидирув" АЖ манфаатларини ҳимоя қилиш.
- 5.8. Таҳлил қуйидаги меъонлар билан ўтказилади:
- харид режа жадвалларининг сифат ва миқдор жиҳатидан вақтида бажарилиши;
 - олинган товарлар вақтида ва мақсадга мувофиқ тақсимланиши ва ишлатилишини таъминлаш;
 - онбордаги камаймайдиган заҳира миқдори ушлаб турилишига эришиш.
- 5.9. Харид қилинадиган товарнинг (ишнинг, хизматнинг) турига қараб аризага қуйидагилар илова қилинади:
- техник топшириқ;
 - тасдиқланган сарф меъёрлари, жиҳознинг паспорти, техник шартлари, давлат ва халқаро стандартлар ҳамда бошқа меъёрий ҳужжатлар кўрсатилган асосланган ҳисоб;
 - ҳозир ишлатилаётган ва янгиланиши ёки алмаштирилиши керак бўлган жиҳозлар, агрегатлар, бўғинлар ва қисмларнинг, жорий (режадаги) таъмирлаш учун керак бўладиган эҳтиёт қисмлар, алмаштириладиган ёки янгиланадиган ишлаб чиқариш ва бошқа объектларнинг дефект далолатномалари;
 - товар (иш, хизмат) сотиб олиниши кераклигини тасдиқлайдиган ва асослайдиган бошқа ҳужжатлар.
- 5.10. Давлат харид қиладиган товар (иш, хизмат)ни етарли даражада аниқ тавсифлайдиган бошқа йўли

бўлмайдиган ҳолларни истисно қилганда сотиб олинадиган товар (иш, хизмат) тавсифида аниқ бир товар белгиси ёки товар номи, патент, конструкция ёки модел, аниқ бир келиб чиқиш манбаси ёки ишлаб чиқарувчи, ягона ваколат ҳукуқи талаб қилинмайди ва уларга ишора берилмайди, шу билан бирга, товарлар бир-бирини ўрнини босолмайдиган ҳолларни истисно қилганда, давлат харидининг тавсифига албатта “ёки шунга ўхшаш” деган жумла қўшилиши керак.

- 5.11. Харид таклифини берувчи аризани йиллик режа жадвал кўринишида умумлаштиради, унга имзо қўяди ва Жамият Бошқаруви Раиси билан келишади ҳамда (расмийлаштирилган ҳужжат кўринишида ва электрон версияси илова қилиниб) жорий йилнинг **1-ноябрга** Харид бошқармасига топширади.
- 5.12. Таркибий бўлинмалардан келадиган навбатдан ташқари (қўшимча) товар (иш, хизмат) харид қилишга аризалар (йўналишига мувофиқ) умумлаштириш учун Жамият бошқарув аппарати раҳбарларига жўнатилади ва Бошқарув Раиси ижобий қарор қабул қилган тақдирда зарур ҳужжатлар илова қилиниб Харид бошқармасига берилади.
- Шундай бўлганда бундай харидга Харид комиссиясининг товар (иш, хизмат) сотиб олиш учун алоҳида баённомаси расмийлаштирилади ва унда хариднинг тури кўрсатилади.
- 5.13. Йил давомидаги товар (иш, хизмат) харид қилишга қўшимча аризалар шунга зарурат бўлганда ёки ишлаб чиқаришдаги технологик жараёнлар ўзгарганда тузилади. Қўшимча аризаларни расмийлаштириш ва келишиш тартиби йиллик аризаларга ўхшаб амалга оширилади.
- 5.14. Йиллик ва қўшимча аризаларни вақтида, сифатли ва оптимал тузиш учун шахсий жавобгарлик “Ўзбек геология кидирув” АЖнинг йиллик ишлаб чиқариш дастури ва асосий жиҳозларнинг ҳозирги ҳолатидан келиб чиқиб меъёрланган ресурслар, жиҳозлар ва эҳтиёт қисмларга эҳтиёж ҳисоб-китобини топшириши керак бўлган харид таклифини берувчига юклатилади.
- Сотиб олинган товарнинг (ишнинг, хизматнинг) ҳақиқий миқдори йиллик (қўшимча) аризада кўрсатилганидан 5 фоиздан кўп фарқ қилса масъул ижрочи ва харид таклифини берувчи белгиланган тартибда интизомий ёки бошқа жавобгарликка тортилиши мумкин.
- 5.15. Ушбу Низом қоидаларига тўғри келмайдиган ариза ва қўшимча аризалар улар кўриб чиқиладиган ҳар бир даражада қайтарилади.

6. ХАРИД РЕЖАСИНИ ТУЗИШ

- 6.1. Харид режаси товарлар (иш, хизмат) сотиб олиш режа жадвалини тузиш, тасдиқлаш ва юритиш йўли билан амалга оширилади. Харид режа жадвали ушбу Низомнинг 5.11-бандига мувофиқ Харид бошқармасига топширилган Жамият бошқарув аппаратининг товарлар (иш, хизмат) сотиб олиш ҳақидаги аризаларига асосланиб тузилади.
- 6.2. Товарлар (иш, хизмат) харид қилиш режа жадвалини таёрлаш тартиби ва муддатини Ўзбекистон Республикаси қонунчилиги, Жамият меъёрий ҳужжатлари (буйруқлари) ва ушбу Низом билан белгилаб қўйилган талабларга мувофиқ “Ўзбек геология кидирув” АЖнинг ўзи мустақил белгилайди.
- 6.3. Харид департаменти ҳар йилнинг **1-декабрга** олинган ҳужжатли материалларга (харид таклифи берувчиларнинг режа жадвалига) асосланиб келгуси йил учун чоракларга бўлинган Жамиятнинг йиллик харидлар режа жадвалини тузади, тузилган режа жадвални ҳамма ўринбосарлар билан келишади ва Бошқарув Раиси тасдиқлаганидан сўнг Жамиятнинг Корпоратив муносабатларни ривожлантириш бўлимига топширади.
- 6.4. Корпоратив муносабатларни ривожлантириш бўлими **20-декабрга** йиллик харидлар режа жадвалини Жамият Кузатув кенгаши билан келишади ва сўнг уни Харид департаментига қайтаради.
- 6.5. Маркетинг бўлимининг бошлиғи жорий йилнинг Йиллик харидлар режа жадвалини 25-декабрга, кейинги чорак харид режа жадвалини эса жорий чорак охириги ойининг 25-кунигача МАПга жойлаштиради.
- 6.6. МАПга жойланган Харидлар режа жадвалида албатта қуйидагилар кўрсатилган бўлиши керак:
- олинадиган товар;
 - олинадиган товар сони;
- 6.7. Йиллик Харидлар режа жадвалига асосан ишлаб чиқилган чораклик харидлар режа жадвали Кузатув кенгаши билан келишилмайди.
- 6.8. Агар шартнома бажариладиган муддат харидлар режа жадвали тасдиқланган муддатдан кўп бўлса (узок муддатли шартнома тузилган бўлса) харидлар режа жадвалига шартнома бажариладиган муддат охиригача бўладиган харидлар ҳақидаги маълумот ҳам қўшиб қўйилади.

- 6.9. Курилиш департаменти кейинги йилнинг Таъмирлаш, реконструкция ва капитал курилиш режасига асосланиб шу йилнинг **1-декабригача** кейинги йилга мўлжалланган лойиҳа смета ҳужжатларини (бундан кейинги ўринларда “ЛСХ”) сотиб олиш (ишлаб чиқиш) хизматини харид қилиш ҳамда таъмирлаш ва курилиш ишларини ўтказиш учун курилиш-монтаж ташкилотини (бундан кейинги ўринларда “ҚМТ”) жалб қилиш ҳақидаги харид режа жадвалини тузади, расмийлаштиради, тасдиқлатади ва Харид департаментига топширади.
- 6.10. Лойиҳа смета ҳужжатларини сотиб олиш учун Курилиш департаменти, тасдиқланган режа жадвал доирасида, Харид департаментига тегишли ҳужжатлар (ТТ, дефект далолатномаси, нархни ҳисоблаш топшириғи ва ҳк.) илова қилинган аризани топширади.
- 6.11. Пудрат ишлари харид қилинишини ташкил этиш учун Курилиш департаменти Харид бошқармасига зарур ҳужжатларнинг ҳаммасини топширади (экспертизадан ўтган лойиҳанинг смета ҳужжатлари, тасдиқланган танлов ҳужжатлари ва ҳк.).
- 6.12. Агар тасдиқланган курилиш ишлари жадвалига мувофиқ ҚМИ бажарилаётган вақтда товар сотиб олиш зарур бўлса Курилиш департаментининг мутахассиси дефект ведомсти асосида (ушбу Низомнинг 5.12-бандида айtilган қўшимча аризаларни расмийлаштириш тартибига мувофиқ) тегишли ҳужжатларни тайёрлайди ва товар харид қилишни бошлаши учун уни Харид бошқармасига топширади.
- 6.13. Авария, табиий ёки техноген хусусиятли бошқа фавқулодда ҳодисалар, форс мажор ҳолат бўлганда, инсонларнинг соғлиғи ёки ҳаётини қутқариш зарур бўлганда, шунингдек, юқорида айtilган хатар турлари юз бериши олдини олиш керак бўладиган ҳолларни истисно қилганда товарлар (иш, хизмат) МАПга жойланган (агар Ўзбекистон Республикаси қонунчилигига ва шу қонунчиликни ижро этиш учун қабул қилинган меъёрий ҳуқуқий ҳужжатларга кўра бундай рақобатли ва норақобатли харидлар ягона ахборот тизимида жойланиши керак бўлса) ва тасдиқланган харидлар режа жадвалига асосан ўтказилади (агар Ўзбекистон Республикаси қонунчилиги ва шу қонунчиликни ижро этиш учун қабул қилинган меъёрий ҳуқуқий ҳужжатларга кўра бундай харидлар ҳақидаги маълумот харидлар режа жадвалига қўшилиши шарт бўлса).

7. ХАРИД ТЕХНИК ТОПШИРИҒИНИ ИШЛАБ ЧИҚИШ

- 7.1. Товарлар (иш, хизмат) Ўзбекистон Республикаси Президентининг 2022 йил 25-июндаги № ПК-332 сонли Қарори билан белгилаб қўйилган талабларга мувофиқ харид ташаббусчиси ишлаб чиққан Харид техник топшириғига (бундан кейинги ўринларда ТТ) мувофиқ сотиб олинади.
- 7.2. ТТ аризалар тузилганда ишлаб чиқилади ва уни аризалар билан бирга топшириш шарт бўлади. Ушбу талаб бажарилиши учун харид ташаббусчиси шахсан жавоб беради.
- 7.3. Жамият ҳар хил таркибий бўлинмаларида фойдаланиладиган бир хил товарларга (ишга, хизматга) битта ТТ ишлаб чиқилади. ТТ бир хил бўлишини Бошқарма Раисининг йўналишлар бўйича ўринбосарлари таъминлашади.
- 7.4. Йўналишлар бўйича харид ташаббусчилари харид қилинадиган товарлар (иш, хизмат)нинг техник кўрсаткичларига қўйиладиган талаблар тўлиқ, тўғри, мужассам, етарли ва қамровли бўлиши, шунингдек, техник топшириқ сифатли ишлаб чиқилиши, унда ҳамма талаб ва параметрлар, шу жумладан, коррупция фактларини истисно қиладиган ҳолатлар тўлиқ берилиши учун шахсан жавоб беришади.
- 7.5. ТТга тегишли мутахассислар имзо қўйган, хизмат фаолияти йўналиши бўйича Бошқарув Раиси ўринбосарлари тасдиқлаган ва Жамиятнинг муҳри билан муҳрланган бўлиши керак. Шу билан бирга, ТТнинг ҳар битта бетига ТТни тайёрлаган ижрочининг визаси қўйилган бўлади.
- 7.6. ТТ га савдо иштирокчилари берган таклифлар техник жиҳатдан объектив баҳоланадиган асосий техник ва бошқа хусусиятлар жадвали илова қилиниши шарт.
- 7.7. ТТ билан унинг иловалари шундай расмийлаштирилиши керакки (унда шундай маълумот ёзилган бўлиши лозимки) Харид комиссияси унга асосланиб олинган таклифларнинг техник ва тижорат томонларини ҳолис, очик ва "Ўзбек геология қидирув" АЖнинг иқтисодий ва молиявий манфаатларини ҳимоя қилиб ва коррупциянинг ҳар қандай кўринишини истисно қилиб, ўзи мустақил баҳолайдиган бўлиши лозим.
- 7.8. Асосий кўрсаткичларда баъзи товар етказиб берувчиларга (иштирокчиларга) бошқа товар етказиб берувчиларга (иштирокчиларга) нисбатан асоссиз афзаллик берадиган кўрсаткич ва параметрларни кўрсатиш таъқиқланади.
- Асосий кўрсаткичлар (меъзонлар) товарни (ишни, хизматни), масалан, сифатига, миқдорига, ишончли эканига, янгилигига (чиқарилган йилига), энергияни тежашига, ишлатиладиган муддатига, кафолатига ва бошқа томонларига қараб тўлиқ таҳлил қилишга имкон берадиган бўлиши керак. Энергияни тежайдиган,

энергияни кўпроқ самара билан ишлатадиган, ишлаб чиқариш самарадорлиги ошган, ишончли ишлаши кўпайган, экологик хавфсизлик талабларига жавоб берадиган янги товарлар (иш, хизматлар) чиққан ҳолларни истисно қилганда бу кўрсаткичлар ва уларнинг баллари кейинги аризаларда ўзгармаслиги керак. Кўрсаткичларни баҳолаш механизмни Харид комиссияси белгилайди.

7.9. Харид ташаббусчиси (конунчилик билан назарда тутилган ҳолларда) Ўзбекистон Республикасининг ваколатли органларида экспертизадан ўтказиш учун масъул ижроچига ТТ билан бирга Ўзбекистон Республикаси Президентининг 25.07.2022 йиджаши № ПК-332 сонли Қарори билан назарда тутилган ҳужжатларни ҳам топширади.

Экспертизага берилган ТТ тўлиқ ва ишончли бўлиши учун ТТни масъул ижроچига топширган харид ташаббусчиси жавоб беради.

7.10. Экспертиза ўтказишга ваколати бор орган эътироз ёзиб ТТни қайтарган тақдирда Харид бошқармасининг масъул ходими харид ташаббусчиси билан бирга уч кунлик муддат ичида (бу муддат Харид комиссияси раисининг қарори билан узайтирилиши ҳам мумкин) экспертиза ўтказишга ваколати бор органнинг эътирозларини ҳисобга олиб ТТни тузатади ва белгиланган тартибда ТТни яна қайта экспертизадан ўтказиш учун топширади.

7.11. Тасдиқланган Техник топшириқ илова қилинмаган ариза кўриб чиқиш учун қабул қилинмайди. Масъул ижроچига фақат тасдиқланган ТТ топширилиши учун Бошқарма Раисининг хизмат йўналиши бўйича ўринбосарлари шахсан жавоб беришади.

7.12. Ушбу Низом талабларига жавоб бермайдиган ТТ кўриб чиқишнинг исталган босқичида қайтарилади.

8. ХАРИД КОМИССИЯСИ ИШНИ ТАРТИБГА СОЛИШ

8.1. Тендердаги энг яхши таклифни танлаш йўли билан харид тартиб тамойилини амалга ошириш учун Бошқарма Раисининг буйруғи билан Бошқарма Раисининг ўринбосари - Молиявий масалалар бўйича директор раҳбарлик қиладиган Харид комиссиясининг таркиби тасдиқланади.

8.2. Харид комиссия аъзоларининг сони тоқ бўлади, аъзолар сони ва таркиби харид тартиб тамойилига боғлиқ бўлади ҳамда конунчилик талабига мувофиқ ва сотиб олинadиган товарнинг (ишнинг, хизматнинг) хусусиятига қараб, Бошқарув Раисининг буйруғи билан ўзгариши мумкин. Харид комиссия аъзолари умумий сонидан камида учдан икки қисми қатнашган Харид комиссия йиғилиши қонуний деб ҳисобланади.

8.3. Харид комиссия аъзосининг ҳар бири МАПда "розиман", "қаршиман" деб овоз бериши ёки бетараф қолиши мумкин. Харид комиссияси раисининг овоз беришда бетараф қолишга ҳаққи бўлмайди.

8.4. Харид комиссия қарорларини келишиш электрон кўринишда ўтади. Харид комиссия йиғилишлари юзма-юз ёки видеомажлис (телемажлис ва ҳк.) кўринишида ҳам ўтиши мумкин.

8.5. Харид комиссиясининг қарорлари умумий аъзолар сонининг кўпчиликлари овози билан қабул қилинади. Овозлар тенг бўлганда Харид комиссия раисининг овози ҳал қилувчи бўлади.

8.6. Савдо иштирокчиларининг ТТТ кўриб чиқиш ва уларга баҳо бериш қуйидаги тартибда амалга оширилади: энг яхши таклиф танлаб олинганда - ўн иш кунида; тендерда - таклиф берилган вақтдан бошлаб қирқ беш иш кунида. Натижа МАП электрон баённомасига ёзиб қўйилади ва Харид комиссия ҳамма аъзоларининг электрон рақамли имзоси билан тасдиқланади.

8.7. Харид комиссиясининг кундалик ишлари овоз бериш ҳуқуқига эга бўлмаган унинг масъул котиби ташкил қилади. Котиб вазифасини Харид бошқармасининг масъул ижрочиси бажаради ва унга қуйидаги вазифалар топширилади:

- Харид комиссия аъзолари билан баённомани келишади ва тасдиқлатади;
- олинган таклифлар белгиланган табабларга тўғри келишини текшириб кўради ва текшириш натижасини кўриб чиқиши учун Харид комиссиясига топширади;
- харид ҳужжатларида белгилаб қўйилган меъзонларга ажратиб таклифни баҳолаш натижасини давлат харидлари электрон тизимига киритиб қўяди;
- Харид комиссияси баённомасини расмийлаштиради;
- амал қиладиган конунчиликка мувофиқ шартнома расмийлаштиради.

8.8. Электрон савдо иштирокчилари берган таклифларни белгилаб қўйилган меъзонларга мувофиқ баҳолаш учун масъул котиб баҳолаш варағини расмийлаштиради ва унга Харид комиссиясининг ҳар битта аъзоси балл қўйиб, қўйган баллини имзоси билан тасдиқлайди. Харид комиссияси қўйган балларга асосланиб масъул котиб ўртача баллни чиқаради ва Харид комиссияси овоз бериши учун натижани электрон харид тизимига киритиб қўяди.

8.9. Харид комиссиясининг баённомасида қуйидаги маълумот ҳам ёзилган бўлади:

- ТТТ кўриб чиқилган сана, вақт ва унга берилган баҳо;
- Иштирок этган Харид комиссия аъзоларининг таркиби;
- савдо предмети, лот (лотлар) рақами ва бошқа маълумот;
- ТТТлари кўриб чиқилган харид тартиб тамойил иштирокчилари;
- Сабаби кўрсатилиб ТТТлари қайтарилган харид тартиб тамойил иштирокчилари;
- уларга берилган баҳо кўрсатилиб (улар нима учун танлагани асосланиб) танлов ғолиби ва қўшимча ғолиб ҳақида қарор қабул қилиш (агар шундай қарор қабул қилинган бўлса).

8.10. Харид комиссияси қуйидаги вазифаларни бажаради:

- харид тартиб тамойили турини белгилайди;
- харид ҳужжатларини тасдиқлайди;
- таклифлар (ТТТ) қабул қилинадиган муддатни белгилайди;
- таклифлар (ТТТ) баҳоланадиган кўрсаткич ва усулларни белгилаб қўяди;
- таклиф бериш тартибини, унинг миқдорини ва таъминлаш шаклини белгилаб қўяди, агар зарурат бўлса;
- харид тартиб тамойил иштирокчиларининг электрон таклифларини кўриб чиқади;
- агар харид ҳужжатларидаги шартда шундай қилиш назарда тутилган бўлса бирламчи малака танловини ўтказиши;
- бирламчи малака танлови натижасига кўра қарор қабул қилади;
- зарурат бўлганда қарор чиқариб баҳолаш гуруҳини (ишчи гуруҳини) тузади;
- Ўзбекистон Республикаси Президентининг Фармонлари, Қарорлари, Республика Ҳукуматининг Қарорлари, ушбу Низом ва "Ўзбек геология қидирув" АЖнинг бошқа ички ҳужжатларига мувофиқ харид қилишни бошлади;

Харид комиссияси иштирокчиларнинг малакасини баҳолагандан ва уларга техник баҳо берганидан сўнг танлов ғолиби ва қўшимча ғолиб МАПда автоматик аниқланади ва шу йўл билан энг яхши таклиф танлаб олинади ёки тендер ўтказилади.

Харид комиссияси танлов иштирокчиларидан харид ҳужжатларида кўрсатилган талабларга тўғри келадиган камида иккита энг яхши таклиф олган танлов ёки тендер бўлган деб ҳисобланади. Аксинча бўлса савдо бўлмаган, деб эътироф қилинади.

- 8.11. Берилган таклифларни асосий кўрсаткичларига қараб баҳолаш учун Харид комиссиясининг таркибий бўлинмалар юқори малакали мутахассислари ва мустақил маслаҳатчилардан иборат бўлган махсус гуруҳ тузишга ҳаққи бўлади. Шундай бўлганда таклифларни баҳолаш коллегиял, Харид комиссия аъзолари ҳозир бўлганда ўтказилади.
- 8.12. Харид комиссиясининг раиси ва аъзолари давлат хариди ижрочисини (энг яхши таклиф ва тендер ғолибини) аниқлаш тартиб тамойили давлат харидлари ҳақидаги қонунчилик талабларига тўғри келиши, овоз бериш вақтида қўйилган баҳолар, коррупция кўринишларининг бўлмаслиги, шунингдек, қабул қилинган қарорлар асосли, ҳолис ва очиқ бўлиши учун шахсан жавоб беришади.
- 8.13. Харид комиссияси давлат харидининг бошқа субъектлари амалга оширган ҳаракат учун жавоб бермайди.
- 8.14. Масъул котиб Харид комиссия овоз беришининг натижаси учун жавоб бермайди.
- 8.15. Харид комиссияси ўз ваколати доирасида қабул қилган қарорлар "Ўзбек геология қидирув" АЖ ва харид тартиб тамойили иштирокчилари учун мажбурий ҳисобланади.
- 8.16. Энг яхши таклифни танлаш ва тендер ҳақидаги Харид комиссияси имзолаган баённома МАПда автоматик тузилади.

9. ХАРИДНИНГ БОШЛАНҒИЧ НАРХИНИ АНИҚЛАШ

- 9.1. Товар (иш, хизмат)нинг бошланғич нарҳини аниқлаш учун маркетинг бўлимининг масъул ижрочиси ишлаб чиқарувчи заводларга, ваколатли дистрибьюторларга, расмий дилерларга ва бошқа тадбиркорлик субъектларига ҳозир амал қилаётган нархларни бериш ҳақида сўров жўнатади.

Бошланғич нарҳни билиш учун яна қуйидаги манбалардан ҳам фойдаланиш мумкин:

- 1) олдин тузилган битимлардаги (шартномалар, келишувлар, ҳисоб фактуралар ва бошқа ҳужжатлардаги) нарх;
- 2) Нашр қилинган ёки Интернет тармоғида (махсулот етказиб берувчи, пудратчи ёки ижрочининг расмий сайтида) берилган ишлаб чиқарувчиларнинг (махсулот етказиб берувчилар, пудратчилар, ижрочиларнинг) прејкурантдаги ёки каталогдаги нархлари. Прејкурантдаги нархлар сотувчи махсулотига қўйган ва сотувчи сотишни истаган нарҳни кўрсатади, бу нархлар битта товарни сотувчи истаган шарт билан сотиб олиш нарҳи бўлиши мумкин, бироқ унга чегирма ёки улгуржи нарҳда сотиб олиш имконияти ҳам берилади;
- 3) Ўзбекистон ва хориж ахборот маълумот нашрларида (бюллетенларида), ихтисослашган журналларда,

статистик ва таҳлилий шарҳларда, бошқа даврий нашрларда чоп этиладиган ва Интернет саҳифаларида бериладиган товарлар (иш, хизматлар) нархи ҳақидаги маълумот;

4) асосий нархлар - тармоқ меъёрий маълумотларида бериладиган маълумот;

5) тасдиқланган тарифлар, нархлар ёки чекланган нархлар - нархи ва тарифини давлат тартибга соладиган маҳсулот турлари (тегишли тармоқда давлат нархларини тартибга солишга ваколати бўлган давлат ҳокимияти органларининг қарорлари, буйруқлари ва бошқа меъёрий ҳуқуқий ҳужжатлари);

6) статистика органларининг маълумоти;

7) "Ўзбек геология қидирув" АО олдин шунга ўхшаш маҳсулотга тузган шартномадаги нархлар (олдинги даврдаги маҳсулот етказиб бериш вақти 12 ойдан ошмаган бўлиши керак);

8) маҳсулот етказиб берувчиларнинг интернет сайтларидан олиб чоп этилган маълумот, расмий нархлар рўйхати, очиқ таклифлар ва бошқа очиқ маълумот манбалари.

ТТТ харид қилишга сўров Бошқарув Раисининг тегишли йўналишдаги ўринбосари имзоси билан "Ўзбек геология қидирув" АЖ расмий хат қоғозида жўнатилади. Сўров тезроқ жўнатилиши учун ТТТ га бериладиган сўровни "Ўзбек геология қидирув" АОнинг электрон почтасидан жўнатишга рухсат берилади. Шу билан бирга, бошланғич нархни ҳисоблаш учун ахборот манбасини қидирганда қуйидаги шартлар эътиборга олинishi керак:

- виждонан ишламайдиган ижрочиларнинг ягона реестрига киритилган контагентлардан олинган маълумот ишлатилмайди;

- нарх ҳақида маълумот берилган сана имкони борича бошланғич нарх ҳисобланадиган санага яқин бўлиши керак;

9.2. Бошланғич нархни чиқариш учун олдин товарлар (иш, хизмат)нинг Техник топшириқда (техник тавсифда, ТШда, ГОСТда) кўрсатилган техник, функционал, сифат ҳамда истеъмол хусусиятлари эътиборга олиниб турли маҳсулот етказиб берувчилар ва ишлаб чиқарувчиларнинг нархлари таҳлил қилинади.

9.3. Таклиф қилинадиган нархни (котиловкаларни) билиш учун масъул ижрочи қуйидаги маълумотни кўрсатиб шартнома тузиш мумкин бўлган ташкилотларга нархлари (котиловкалар) сўралган сўров тузиб жўнатади:

- нархи (котиловкаси) сўралган маҳсулотнинг номи;

- ўлчов бирлиги;

- талаб қилинадиган миқдори;

- товар етказиб бериладиган (иш бажариш, хизмат қилиш бошланадиган) сана;

- товар етказиб бериладиган (иш бажариладиган ёки хизмат бўладиган) жой;

- товарни етказиб бериш шартлари (шу жумладан, логистика, масалан: партиялар сони, қутига қўйиладиган талаб, қутини қайтариш кераклиги, божхонада расмийлаштириш шартлари ва ҳ.к.);

- пул тўлаш шarti (аккредитив, товар етказиб берилганда ёки банк кафолати билан олдиндан тўланади);

- суғурталаш шартлари (зарурат бўлса);

- техник топшириқ/чизмалар, агар қўлланса (бор бўлса);

- Юк жўнатишдан олдин текшириш ўтказиш шarti борлиги (зарурат бўлса);

- таклиф этилган нарх амал қиладиган муддат.

Агар харид қилинаётган буюмнинг номи буюм нималигини аниқ тушунтирса ва уни икки хил тушунишга имкон бермаса техник топшириқни илова қилиш шарт бўлмайди.

Нарх (котиловкалар) жўнатиш ҳақидаги сўров албатта масъул ижрочининг корпоратив электрон почта манзилдан жўнатилади ва унда контрагент нарх ҳақида маълумот бериши керак бўлган муддат кўрсатилган бўлади.

Нарх (котиловкалар) жўнатиш ҳақидаги сўровда албатта сўров оферта эмаслиги, оферта беришга таклиф эмаслиги, оферта қабул қилинганини билдирмаслигини ёки Жамият шартнома тузиш учун мажбурият олганини билдирмаслиги айтилиши керак.

9.4. Бошланғич нархни билиш учун камида иккита контрагентнинг нархи/таклиф этган нархлари олинади.

9.5. Контрагент Техник топшириқда кўрсатилган малака талабларига тўғри келадиган бўлиши шарт, масалан, лицензияси, сертификатлари, иш тажрибаси, ишлаб чиқариш қувватлари ва товарни (иш, хизматни) етказиб бериш учун зарур бўладиган бошқа шароити бўлади.

9.6. Ўрганиш натижаси ёзилган таққослаш жадвалида таҳлил кооперация порталида (cooperation.uz) ўтказилгани ҳақидаги маълумот кўрсатилади.

9.7. Нархлар ҳақидаги маълумот йиғиш Техник топшириқда кўрсатилган товар хусусиятларига мувофиқ амалга оширилади. Маҳсулот сотувчилар ва ишлаб чиқарувчилар таклиф этадиган ва стандарт бутланишига қўшилмайдиган асбоб ва бошқа техник воситалар билан жиҳозланадиган товар (масалан, ихтисослашган

кўчма лаборатория ва ҳк.) етказиб беришга буюртма берганда товар билан бирга ишлатиладиган, лекин товарга қўшиб сотилмайдиган алоҳида буюмларнинг нархи ҳақида маълумот йиғиш мумкин.

- 9.8. Масъул ижрочи олган нарх таклифларини битта базисга келтиради (битта валюта, битта ўлчов бирлиги, етказиб бериш шартлари, қўлланадиган солиқлар, божхона тўловлари, йиғимлар ва ҳк.), бунинг учун тегишли ўринларини ўзгартириши мумкин, сўнг жадвалга чиқарилган бошланғич нархи ёзиб қўйилади.
- 9.9. Агар нархлар ҳақида маълумот тўплаётганда масъул ижрочи Техник топшириқни тўғрилаш керак, деган асосли фикрга келадиган бўлса (масалан, контрагент Техник топшириқ шартлари аниқ эмаслигини ёки Техник топшириқда кўрсатилган ҳал қилиш йўли самарасиз эканини айтган) масъул ижрочи тўғрилаши учун учун Техник топшириқни харид ташббусчисига қайтаради. Тўғриланган ТТ олинганидан сўнг ёки асоси кўрсатилиб ТТга бирорта ҳам ўзгариш қўшилмаганидан кейин бошланғич нархни аниқлаш жараёни яна қайтадан бошланади.
- 9.10. Бошланғич нархни аниқлаш учун масъул ижрочи камида иккита товар етказиб берувчидан (ишлаб чиқарувчидан, пудратчидан, ижрочидан) олинган таклифдаги товар (иш, хизмат) маркаси ва модели ҳақидаги маълумотни таҳлил қилади.
Бошланғич нархни аниқлаганда Техник топшириққа тўғри келмайдиган нарх таклифини берган ва виждонсиз ишлайдиган маҳсулот етказиб берувчилар рўйхатида кирган контрагентлар чиқариб ташланади. Бирок, транспорт харажати ўзгартиришга рухсат берилади.
Агар контрагент таклиф қилган энг баланд нарх билан энг кам нарх ўртасидаги фарқ 50 фоиздан кам бўлса ($(S_{max}/S_{min}) * 100 - 100 = < 50\%$) бошланғич нарх ўртача арифметик қиймат чиқариб топилади. Шундай бўлганда талабга тўғри келадиган нарх таклифлари камида 3 та, нархлар эса, зарур тўғрилашлар билан, битта базисда кўрсатилган бўлиши керак, агар қўллаш мумкин бўлса.
Агар энг кам нарх билан энг баланд нарх ўртасидаги фарқ 50 фоиздан кўп бўлса ($(S_{max}/S_{min}) * 100 - 100 = > 50\%$) бошланғич нархни ҳисоблаганда энг кам нархдан 50 фоиздан кўп фарқ қиладиган нарх таклифи чиқариб ташланади, Маркетинг бўлими бошлиғи ҳулосасида шуни ёзиб қўяди. Бошланғич нарх энг кам нархдан 50 фоиздан кўп ошмайдиган таклиф этилган нархларнинг ўртача арифметик қиймати чиқариб топилади. Лекин агар энг кам нархдан 50 фоиздан кўп фарқ қиладиган таклифлар чиқариб ташланганидан сўнг 3 тадан кам нарх таклифи қоладиган бўлса бошланғич нарх иккинчи энг кам нархни танлаш йўли билан аниқланади.
- 9.11. Фақат 2 та нарх таклиф қилинган бўлса бошланғич нарх пастроқ нархга қараб олинади.
- 9.12. Лотлар ажратиладиган бўлса бошланғич нарх олинган таклифлар номенклатурасига қараб, ҳар битта позиция алоҳида ҳисобланиб аниқланади.
- 9.13. Агар олинган нарх таклифлари бир хил бўлмаса, яъни таклиф этилган нархлар бир-биридан анча фарқ қилгани учун бошланғич нархни ҳисоблаб чиқаришнинг иложи бўлмаса Маркетинг бўлими ҳулосасида шуни маълум қилади, масъул ижрочи эса, охирига етказиши учун, Техник топшириқни олинган таклифлар билан бирга харид ташаббусчисига қайтаради.
- 9.14. Чет эллик ишлаб чиқарувчи товари (иши, хизмати) бошланғич нархини аниқлаш учун албатта чет эллик товар етказиб берувчилар ва ишлаб чиқарувчиларнинг дилерлик ва дистриютторлик шартномаларини тузиб Ўзбекистон Республикасида товар сотишга ваколати бор расмий дилерлари ва дистрибутторларининг ҳозир амал қиладиган нархлари ўрганилади.
- 9.15. Зарурат бўлганда масъул ижрочи олинган таклифлар юзасидан техник ҳулоса олиш учун харид ташаббусчисига хизмат хати жўнатади.
- 9.16. Таклиф этилган нархдаги товар етказиб бериладиган жой нарх (котировка) сўралган хатдаги товар етказиб бериладиган жойдан фарқ қилса транспорт харажатлари ва товар етказиб бериш билан боғлиқ қўшимча харажатлар ҳам ўзгартириб қўйилади. Ўзгартирилган харажатга товар етказиб бериш ҳақи, уни божхонада расмийлаштириш харажати, битта транспортдан бошқасига олиш, юклаш ва юкни тушириш харажати, юкни суғурта қилиш ва товарни етказиб бериш билан боғлиқ бошқа харажатлар қўшилади. Товар билан боғлиқ харажат қанча ўзгаришини ҳисоблаб чиқариш учун Интернет тармоғидаги махсус калкулятордан фойдаланиш мумкин ёки логистика ташкилотига сўров жўнатса ҳам бўлади.
- 9.17. Бошланғич нархни ҳисоблаб чиқариш учун олдинги (жорий) йил буюртмачи шунга ўхшаган ёки шунга яқин шароитда сотиб олган (сотиб оладиган) товар (иш, хизмат) нархини инфляция даражасига (ёки бошқа асосланган коэффициентга) кўпайтириб индексация қилиш ҳам мумкин. Буюртма бериб тайёрланадиган товарларнинг бошланғич нархи олдин шунга ўхшаган товарларнинг нархига қараб аниқланади, сўнг техник топшириқда ёки спецификацияда кўрсатилган бутлаш талабларига қараб нарх тўғрилаб қўйилади. Натижа аниқроқ бўлиши учун имкони борича ҳар хил ишлаб чиқарувчилардан (товар етказиб берувчилардан)

олинган бир нечта ўхшаш товарлар ҳақидаги маълумотни ишлатиш тавсия қилинади.

- 9.18. Ишнинг, хизматнинг бошланғич нархи техник топшириқ, спецификация ёки лойиҳа ҳужжатлари билан белгилаб қўйилган иш тури, ҳажми ва сифатига қараб қуйидагиларга асосан ҳисоблаб чиқарилади; вақт бирлиги нархи - меъёр соат, киши-соат ва ҳокозо (техник хизмат, таъмирлаш, аудиторлик хизматлари);
- битта хизмат турининг нархи (сертификациялаш хизмати);
 - комиссия ҳақи ёки фойиз миқдори (банк хизмати, воситачилик хизмати);
 - смета нархи;
 - тарифни белгилаш учун олинadиган бошқа ўлчов бирликлари.
- 9.19. Сўров ва ўрганиш натижаси, шунингдек, шу товарни (ишни, хизматни) етказиб беришга тузилган охириги шартнома ҳақидаги маълумот кўриб чиқиши учун Харид комиссиясига топширилади.
- 9.20. Масъул ижрочи таклифни топширган вақтдан бошлаб 3 иш кунидан ошмайдиган муддат ичида Маркетинг бўлими бошланғич нархни текшириб кўради ва бошланғич нарх тўғри келиши ёки келмаслиги ҳақида ҳулоса беради. Технологик хусусияти мураккаб бўлган товар позициялари бошланғич нархини аниқлаганда Харид комиссия раисининг қарори билан бошланғич нархни аниқлаш муддати узайтирилиши мумкин.
- 9.21. Зарурат бўлганда Харид комиссияси Ўзбекистон Республикасида нарх экспертизасини ўтказишга аккредитацияси бор консалтинг компаниясини жалб қилиши мумкин.
- 9.22. Харид бошланғич нархини Баённомага қўшиладиган иловага мувофиқ Харид комиссияси тасдиқлайди.

10. ХАРИД ТАРТИБ ТАМОЙИЛИ ТУРИНИ АНИҚЛАШ

- 10.1. Харид тури олинadиган фойдага, хариднинг бошланғич нархига ва танланган турда харидни амалга ошириш учун сарфланадиган умумий харажат канча бўлишига қараб танланади.
- 10.2. Харид бошқармасининг масъул ижрочиси товар (иш, хизмат) сотиб олишга ариза келиб тушганидан сўнг 14 иш кунидан ошмайдиган муддат ичида Харид комиссиясига қуйидагиларни ўрганиб харид тартиб тамойил турини аниқлаш ҳақида таклиф беради:
- Ягона маҳсулот етказиб берувчилар реестрига киритилган маҳсулот етказиб берувчидан товар (иш, хизмат) харид қилиш;
- Ўзбекистон Республикаси Президентининг Фармон ва Қарорлари ҳамда Вазирлар Маҳкамасининг Қарорларига асосан бевосита шартнома тузиб товар (иш, хизмат) харид қилиш;
- нархини (тарифларини) давлат органлари ва бошқа ваколатли органлар тартибга соладиган товарлар (иш, хизмат) харид қилиш;
 - Электрон кооперация порталида керакли товар борлиги.
- 10.3. Харид бошқармасининг масъул ижрочиси олдин албатта товарни (ишни, хизматни) cooperation.uz Порталида рўйхатга олинган маҳаллий ишлаб чиқарувчилардан сотиб олиш имкониятини ўрганади, бундан ташқари, товар (иш, хизмат) Ўзбекистон Республикаси Вазирлар Маҳкамасининг 29.01.2021 йилдаги № 41-сонли Қарори билан тасдиқланган Давлат харидлари доирасидаги савдоларда иштирок этишига вақтинча таъқиқ ва чеклов қўйиладиган хорижда ишлаб чиқарилган товарлар (иш, хизматлар) рўйхатига киритилган бўлса cooperation.uz Порталида импорт қилинадиган муқобил маҳсулотга сўров беради. Давлат харидлари доирасида шу Рўйхатга кирадиган товарлар (ишлар, хизматлар)ни импорт қилиш зарурати бўлса Харид бошқармасининг масъул ижрочиси cooperation.uz порталидаги "Аризалар" бўлимида жойлаштириши учун Маркетинг бўлимига (2-илова шаклидаги электрон кўринишда) ариза беради.
- Агар товарни (ишни, хизматни) сотиб олиш юқорида айтилган меъзонларга тўғри келмаса хариднинг бирламчи нархидан келиб чиқиб қуйидаги харидлардан биттаси амалга оширилади:
- электрон дўкон;
 - бошланғич нарх камайтириладиган электрон савдолар (аукционлар);
 - энг яхши таклифни танлаш;
 - тендер;
 - биржа савдолари (спот, форвард, фьючерслар).
- 10.4. Харид бошқармасининг масъул ижрочиси МАПда харидни бошлаш учун Харид комиссияси тасдиқлаган харид тартиб тамойили турини белгилаш ҳақидаги баённомани тузади ва рўйхатга олади. Шу билан бирга Баённомага илова қилинган ҳужжатларнинг электрон вариантлари ҳам қўшиб қўйилган бўлиши керак (харид ҳужжатлари, техник топшириқ, ваколатли органнинг ҳулосаси ва ҳ.к.).

11. ХАРИД ТАРТИБ ТАМОЙИЛИНИНГ ТУРЛАРИ

11.1. *Электрон ҳамкорлик портали.*

11.1.1. Электрон ҳамкорлик портали орқали Товар (иш, хизмат) сотиб олиш учун Маркетинг бўлими маркетинг хулосасига асосланиб ва Харид комиссиясининг баённомасига асосан, сотиб олинadиган товар ҳақидаги маълумотни МАПга жойлаштириш учун тўпланган ҳужжатларни Харид бошқармасининг масъул ижрочисига топширади. Масъул ижрочи Ягона ҳамкорлик порталида товарга қўйилган нархларни сўрайди.

11.1.2. Савдо ғолиби Ягона электрон ҳамкорлик портали ишини тартибга соладиган меъёрий ҳужжатларга мувофиқ автоматик аниқланади.

11.1.3. Электрон шартнома тузилганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.1.4. Товар (иш, хизмат) Ягона электрон ҳамкорлик порталидаги савдода иштирок этиб сотиб олинганда харид ташаббусчиси товар (иш, хизмат) сотиб олиш учун зарур бўладиган техник топшириқ сифатли ва тўлиқ тузилиши учун шахсан жавоб беради.

11.2. *Электрон дўкон.*

11.2.1. Электрон дўконда қуйидаги давлат харидлари амалга оширилиши мумкин:

- битта шартномадаги нархи базавий ҳисоблаш миқдорининг йигирма беш минг баробарига тенг келадиган товарлар;

- битта шартномадаги нархи базавий ҳисоблаш миқдорининг юз минг баробарига бўладиган иш, хизмат.

11.2.2. Товар электрон дўкондан фақат харид ташаббусчиси топширган маълум товарлар турига зарурат борлигини асослайдиган ҳужжатларга асосан сотиб олинади.

11.2.3. Масъул ижрочи Харид комиссиясининг баённомасига ишлаб чиқарадиган заводлардан, расмий дилер ва дистрибюторлардан, ваколатли маҳсулот етказиб берувчилардан ва бошқа савдо ташкилотларидан олинган камида иккита тижорат таклифини илова қилиши шарт.

11.2.4. Электрон шартнома тузилганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.3. *Бошланғич нарх камайитириладиган аукцион (бундан кейинги ўринларда "Аукцион").*

11.3.1. Қуйидаги шартлар бир вақтда бажарилган тақдирдагина товарларни аукционда сотиб олишга рухсат берилади:

- товарнинг хусусияти стандарт бўлиши керак;

- техник, фойдаланиш ва бошқа хусусиятларини баҳолаш ва солиштиришга зарурат бўлмайди;

- битта шартномадаги нархи базавий ҳисоблаш миқдорининг йигирма беш минг баробарига бўлиши керак;

Аукционда иш ёки хизмат сотиб олинмайди.

Аукционда товар сотиб олиш учун масъул ижрочи Харид комиссиясининг харид тартиб тамойили тасдиқланган (1-иловадаги) баённомасини Маркетинг бўлимига топширади. Масъул ижрочи баённомага техник топшириқни (техник кўрсаткичларни), тижорат таклифларини (имкони борида ишлаб чиқарувчилардан олинган таклифларни) ва зарурат бўлганда маркаси ва бренд номи кўрсатилмаган товар фотосуратини илова қилиши шарт. Илова қилинган ҳужжатларнинг ҳаммаси текшириш учун электрон кўринишда Маркетинг бўлимига берилади. Маркетинг бўлими Харид комиссиясининг баённомасига мувофиқ сотиб олинadиган товарни МАПга қўйиш учун маркетинг хулосасига асосланиб тўпланган ҳужжатларни Харид бошқармасининг масъул ижрочисига топширади.

11.3.2. Электрон шартнома тузилганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.4. *Энг яхши таклифларни танлаб олиш.*

11.4.1. Қуйидаги шартларнинг ҳаммаси бажарилганда энг яхши таклифни танлашга (бундан кейинги ўринларда "Танлаш") асосланган давлат харидини амалга ошириш мумкин:

- ғолибни аниқлаш меъзони фақат нархга эмас, балки давлат харид қиладиган товарнинг (ишнинг, хизматнинг) миқдор ва сифат кўрсаткичларига ҳам асосланган бўлади;

- битта шартномадаги товар (иш, хизмат) нархи базавий ҳисоблаш миқдорининг йигирма беш минг баробарига бўлиши керак.

11.4.2. Танлаш учун тайёрланган харид ҳужжатларида куйидагилар кўрсатилади:

- танлов ўтказиш ҳақидаги эълонда берилган маълумот;
- ижрочилар билан ҳисоблашиш учун ишлатиладиган валюта, тўлаш тартиби ва маҳсулот етказиб бериш тартиби ҳақидаги маълумот;
- танловда қатнашиш учун таклифлар давлат тилида бўлиши шартлиги ва агар зарурат бўлса бошқа тилда ҳам ёзилиши мумкинлиги тўғрисидаги маълумот;
- иштирокчиларга танловга қўйилган харид ҳужжатларини топшириш тартиби, топшириладиган сана ва топшириш тўхтатиладиган сана ҳақидаги маълумот;
- харидга тузилган техник топширик;
 - қонунчилик ва меъёрий ҳужжатларга мувофиқ ишлаб чиқилган таклифларни баҳолаш ва кўриб чиқиш меъзонлари.

Танлашга оид харид ҳужжатларига унинг ажралмас қисми бўлган шартнома (контракт) ҳам илова қилинади.

Танлашга оид харид ҳужжатларида ҳар битта товар (иш, хизмат) харид тартиб тамойилининг алоҳида бирлиги деб олинishi кўрсатилиши мумкин. Шундай бўлганда Харид комиссияси ҳар хил товар (иш, хизмат) етказиб бериш учун бир нечта иштирокчи билан шартнома тузиш ҳақида қарор қабул қилиши мумкин, яъни, ҳар битта товарнинг (ишнинг, хизматнинг) ғолиби битта бўлади. Харид тартиб тамойилининг шартига кўра ҳар битта товарнинг (ишнинг, хизматнинг) ғолиби алоҳида аниқланади.

Танлашга оид харид ҳужжатларини масъул ижрочи расмийлаштиради, техник топширикни эса (тасдиқланган асл кўринишида) харид ташаббусчиси расмийлаштиради. Олинган (имкони борида ишлаб чиқарувчи заводлардан олинган) техник ва тижорий таклифларни бирламчи ишлаш натижасига асосланиб масъул ижрочи Харид комиссияси кўриб чиқиши учун бошланғич нархни аниқлашга оид таклифларни тайёрлайди.

Харид ҳужжатларида сифат сертификати, келиб чиқиш сертификати ва мувофиқлик сертификатини топшириш талаб қилинади.

11.4.3. Масъул ижрочи харид тартиб тамойилини тасдиқлаш ҳақидаги Харид комиссияси тасдиқлаган баённомани (2-иловага мувофиқ) Маркетинг бўлимига жўнатади. Масъул ижрочи баённомага албатта танлашга оид харид ҳужжатларини, тасдиқланган техник топширикни, малака ва техник меъзонларни, иштирокчилар ва (имкони борида ишлаб чиқарувчилардан олинган) тижорат таклифлари баҳоланишини илова қилиши керак. Илова қилинадиган ҳужжатларнинг ҳам ҳаммаси электрон кўринишда топширилиши керак.

11.4.4. Маркетинг бўлими маркетинг хулосасига асосланиб, харид қилинадиган товар ҳақида маълумот бериши учун, тўпланган ҳужжатларни Харид бўлимининг масъул ижрочисига топширади.

11.4.5. Масъул ижрочи Харид комиссиясининг баённомасига асосан (2-иловада берилган) тасдиқланган харид ҳужжатларига мувофиқ МАПда эълон жойлаштиради.

Эълон таклифлар олинadиган муддат тугашидан камида беш иш куни олдин жойлаштирилади.

11.4.6. Мажлисада ҳар битта алоҳида лотнинг масъул ижрочиси котиблик қилади. Танлов иштирокчиларининг таклифларини кўриб чиқиш ва уларга баҳо бериш муддати таклиф бериш тугаган санадан бошлаб ўн иш кунидан ошмаслиги керак.

11.4.7. Зарурат бўлганда, сотиб олинadиган товарнинг (ишнинг, хизматнинг) ўзига хослигидан келиб чиқиб, Харид комиссияси олинган таклифларни яна бир марта ўрганиб, бир-бирига солиштирадиган ишчи гуруҳини тайинлаши мумкин. Ишчи гуруҳининг хулосаси фақат тавсия сифатида қабул қилинади ва охириги қарорни фақат Харид комиссияси қабул қилади.

11.4.8. Танлов иштирокчилари таклифларининг техник ва тижорат қисмларига фақат Харид комиссияси баҳо беради.

11.4.9. Электрон майдонда ғолиб аниқланганидан сўнг масъул ижрочи белгиланган талабга мувофиқ шартнома (контракт) расмийлаштиради.

11.4.10. Масъул ижрочи тузилган шартномалар (контрактлар) ва уларга қўшилган келишувларни тузилганидан ёки расмийлаштирилганидан сўнг уч иш кунидан кечиктирмай МАПда жойлайди.

11.4.11. Шартнома расмийлаштирилганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.4.12. Харид комиссияси иштирокчилардан танловга тайёрланган харид ҳужжатларида кўрсатилган талабларга тўғри келадиган камида иккита таклиф олганда танлов ўтган, деб ҳисобланади.

11.5. Тендер.

- 11.5.1. Қуйидаги шартлар тўлиқ бажарилгандагина тендер ўтказиб давлат харидини амалга ошириш мумкин бўлади:
- ҳолибни аниқлаш меъзони фақат нархга эмас, балки товарнинг (ишни, хизматнинг) миқдор ва сифат кўрсаткичларига ҳам асосланган бўлади;
 - битта шартномадаги товарлар (иш, хизмат) нархи йигирма беш мингта базавий ҳисоблаш миқдоридан кўп бўлади.
- 11.5.2. Тендерга топшириладиган харид ҳужжатларида қуйидагилар кўрсатилган бўлиши керак:
- тендер бўлиши ҳақидаги эълонда берилган маълумот;
 - шартнома нархида кўрсатиладиган ва ижрочилар билан ҳисоблашганда ишлатиладиган валюта ва тўлаш тартиби ҳақидаги маълумот;
 - танловда қатнашиш учун таклифлар давлат тилида бўлиши шартлиги ва агар зарурат бўлса бошқа тилда ҳам ёзилиши мумкинлиги тўғрисидаги талаб;
 - тендер иштирокчиси таклифининг техник ва нарх қисми ҳақидаги маълумот ва уларни баҳолаш тартиби;
 - тендер иштирокчиларга тендерга ҳужжат топшириш тартиби, топшириладиган сана ва топшириш ўхтатиладиган сана ҳақидаги маълумот;
 - харидга тузилган техник топширик;
 - қонунчиликка мувофиқ тендер иштирокчилари таклифларини баҳолаш меъзонлари ва уларни кўриб чиқиш тартиби;
- Харид ҳужжатларида сифат сертификати, келиб чиқиш сертификати ва мувофиқлик сертификатини топшириш талаб қилинади.
- 11.5.3. Тендер бир босқичда ёки икки босқичда ўтказилиши мумкин. Нечта босқичда ўтказилиши тендернинг харид ҳужжатларида кўрсатилган бўлади.
- Тендер ўтказилиши ҳақидаги эълон қуйидаги муддатда МАП орқали давлат харидлари электрон тизимида жойланади:
- Ўзбекистон Республикаси ваколатли органининг тендер харид ҳужжатларига ижобий хулосаси олинганидан сўнг 5 иш кунидан ошмайдиган муддат ичида;
 - тендер иштирокчиларидан таклиф олинадиган муддат тугашидан камида ўн икки иш куни ва кўпи билан ўттиз иш куни олдин.
- 11.5.4. Тендер харид ҳужжатларини масъул ижрочи тузади, бироқ техник топширикни (тасдиқланган асл ҳужжат кўринишида) харид ташаббусчиси расмийлаштиради. Олинган (имкони борича ишлаб чиқарувчи заводлардан олинган) техник ва тижорий таклифларни бирламчи ишлаш натижасига асосланиб масъул ижрочи Харид комиссияси кўриб чиқиши учун бошланғич нархни аниқлашга оид таклифларни тайёрлайди.
- Тендер харид ҳужжатларини ваколатли органда келишиш учун масъул ижрочи жавоб беради.
- 11.5.5. Масъул ижрочи харид тартиб тамойилини тасдиқлаш ҳақидаги Харид комиссияси тасдиқлаган баённомани (1-иловага мувофиқ) текширтириш учун Маркетинг бўлимига жўнатади. Масъул ижрочи баённомага албатта тендер харид ҳужжатларини, тендур ҳужжатлари ҳақидаги ваколатли органнинг хулосасини, тасдиқланган техник топширикни, иштирокчиларнинг малака ва техник меъзонларини, (имкони борича ишлаб чиқарувчилардан олинган) тижорат таклифларини, тегишли органнинг баённома қарори тарзида расмийлаштирган розилигини илова қилади. Илова қилинадиган ҳужжатларнинг ҳам ҳаммаси электрон кўринишда топширилиши керак.
- 11.5.6. Маркетинг бўлими маркетинг хулосасига асосланиб, харид қилинадиган товар ҳақида маълумот бериши учун, тўпланган ҳужжатларни Харид бўлимининг масъул ижрочисига топширади.
- 11.5.7. Масъул ижрочи Харид комиссиясининг тендер бўйича баённомасига ва ваколатли орган тендер харид ҳужжатларига берган ижобий хулосага асосланиб, тендер харид ҳужжатларига мувофиқ тарзда МАПда бу ҳақда эълон беради.
- 11.5.8. Мажлисада ҳар битта алоҳида лотнинг масъул ижрочиси котиблик қилади. Танлов иштирокчилари таклифларини кўриб чиқиш ва уларга баҳо бериш муддати таклиф бериш тугаган санадан бошлаб қирк беш иш кунидан ошмаслиги керак.
- 11.5.9. Зарурат бўлганда, сотиб олинадиган товарнинг (ишнинг, хизматнинг) ўзига хослигидан келиб чиқиб, Харид комиссияси олинган таклифларни яна бир марта ўрганиб, бир-бирига солиштирадиган ишчи гуруҳини тайинлаши ҳам мумкин. Ишчи гуруҳининг хулосаси фақат тавсия сифатида қабул қилинади

ва охирги қарорни фақат Харид комиссияси қабул қилади.

11.5.10. Тендер иштирокчилари таклифларининг техник ва тижорат қисмларига фақат Харид комиссияси баҳо беради.

11.5.11. Электрон майдонда ғолиб аниқланганидан сўнг масъул ижрочи белгиланган талабга мувофиқ шартнома (контракт) расмийлаштиради.

Масъул ижрочи тузилган шартномалар (контрактлар) ва уларга расмийлаштирилган қўшимча келишувларни тузилганидан ёки расмийлаштирилганидан сўнг уч иш кунидан кечиктирмай МАПда жойлайди. Ушбу иш вақтида бажарилиши учун масъул ижрочи шахсан жавоб беради.

11.5.12. Шартнома расмийлаштирилганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.5.13. Таклиф олинadиган муддат тугайдиган кунгача тендер иштирокчиларидан камида иккита таклиф олинган бўлса тендер ўтган деб ҳисобланади.

Лекин битта иштирокчи қатнашган ёки ҳеч ким қатнашмаган тендер ўтмаган деб саналади. Шундай бўлганда харид тартиб тамойили шу шартлар билан ҳамда товарларга (ишга, хизматга) қўйиладиган шу меъзон ва талаблар билан яна бир марта ўтказилиши керак.

11.6. **Биржа савдолари (спот, форвард, фьючерслар).**

11.6.1. Ликвидлиги кўп ва (ёки) монопол ишлаб чиқариладиган товарлар Ўзбекистон Республикасининг ваколати органи тасдиқлаган Рўйхатга мувофиқ сотиб олинади.

11.6.2. Биржа савдосида товар сотиб олиш учун масъул ижрочи "Ўзбек геология кидирув" АЖ брокерига Харид комиссиясининг баённомасини жўнатади.

11.6.3. Масъул ижрочи "Ўзбекистон республика хом-ашё биржаси" АЖда сотиб олинadиган товарга олдиндан ҳақ тўлашни (гаров тўловини) расмийлаштиради.

11.6.4. Давлат харидлари электрон тизимида шартнома (тикёт) шакллантирилганидан сўнг электрон тизимда шартнома тузиладиган кун брокер шу шартномани (тикётни) электрон кўринишда масъул ижрочига топширади.

Шартномани олганидан сўнг масъул ижрочи зарур маълумотни тузилган шартномаларнинг электрон реестрига киритиб қўяди.

11.7. **Бевосита шартнома тузиш.**

11.7.1. Қуйидаги ҳолларда бевосита шартнома тузиб маҳсулот сотиб олиш мумкин:

- давлат харидига рухсат берилган товар (иш, хизмат) Маҳсулот етказиб берувчилар ягона реестрига қўшилган маҳсулот етказиб берувчидан олинганда;
- товар (иш, хизмат) Ўзбекистон Республикаси Президентининг Фармон ва Қарорлари ҳамда Вазирлар Маҳкамасининг Қарорларига асосан бевосита шартнома тузиб харид қилинадиган бўлса;
- фавқулодда ҳолатлар оқибатини тугатиш мақсадида Ўзбекистон Республикаси эҳтиёжини таъминлашга керак бўладиган товарлар (иш, хизмат) давлат хариди амалга оширилганда;
- суд муҳокамасида қатнашиш учун адвокат (вакил) тайинлаш билан боғлиқ харид;
- ақлий мулк объектига эксклюзив ҳуқуқ билан эгалик қиладиган ягона шахсдан илмий асар, адабий асар, фонограмма ижроси каби ақлий мулк натижаларини ёки ташкилотларга эфир ёки кабел кўрсатувларини сотиб олиш;
- нархини (тарифини) давлат тартибга соладиган товарлар (иш, хизмат) сотиб олиш;

11.7.2. Бевосита шартнома тузиб товар (иш, хизмат) сотиб олиш учун масъул ижрочи, Харид комиссиясининг баённомасига асосан ҳамда харид қилиш учун асос бўлганда, бевосита шартнома тузиб товар (иш, хизмат) сотиб олиш ҳақида маҳсулот етказиб берувчи билан музокара ўтказишни бошлайди.

11.7.3. Шартнома келишилганидан сўнг масъул ижрочи уни белгиланган талабга мувофиқ расмийлаштиради.

11.7.4. Агар Ўзбекистон Республикаси Президентининг Фармон ва Қарорлари ҳамда Вазирлар Маҳкамасининг Қарорлари билан бевосита шартнома тузиб давлат товарлар (иш, хизмат) харид қилиши мумкинлиги белгилаб қўйилган бўлса, қонунчилик белгилаб қўйган ҳолларни истисно қилганда, шартнома билан унга расмийлаштирилган қўшимча келишувлар ваколатли органнинг экспертизасидан ўтказилади.

11.8. **Контргентлар турини текшириш, Энг яхши таклифни танлаш, Тендер ва Асос келишув**

11.8.1. Контргентлар турини текшириш, Энг яхши таклифни танлаш, Тендер ва Асос келишув харид тартиб тамойили иштирокчиларининг таклифлари очилганидан сўнг "Ўзбек геология кидирув" АЖнинг

Мувофиқлик хизмати контрагентларни текшириши шарт.

- 11.8.2. Солиқ (Ўз.Р СК 15-моддаси), молиявий, иқтисодий, ишлаб чиқариш, ишни судда кўриш, коррупция обрўни йўқотиш билан боғлиқ хавф бўлишига йўл қўймаслик ва уларни камайтириш ҳамда “Ўзбек геология қидирув” АЖ ходимларининг манфаатлар қарама-қаршилиги ва шахсий манфаати бўладиган ҳоллар билан боғлиқ хатарни истисно қилиш ва камайтириш, “Ўзбек геология қидирув” АО билан шартнома тузиши мумкин бўлган контрагент мулки бенефициари кимлиги маълум бўлиши билан боғлиқ “иккиламчи” санкциялар хатари олдини олиш ва камайтириш мақсади билан, тўлиқ ўрганиб чиқиш йўли билан ва тегишли эҳтиёткорлик чоралари кўрилиб контрагентларнинг (маҳсулот етказиб берувчиларнинг пудратчилар, инвесторлар ва ҳк.) ишончли экани текширилади.
- 11.8.3. “Ўзбек геология қидирув” АО Харид комиссияси аъзолари, Жамиятнинг бошқа ходимлари ҳамда “Ўзбек геология қидирув” АЖнинг харид билан шуғулланадиган бошқа субъектларининг, харид тури қандай бўлишидан қатъий назар, харид тартиб тамойили амалга ошаётганда “Ўзбек геология қидирув” АЖ хариди билан боғлиқ ёки у қатнашган битимлар натижасидан бевосита ёки билвосита шахсий манфаат олишга ҳаққи бўлмайди.
- 11.8.4. “Ўзбек геология қидирув” АЖ харид тартиб тамойили субъектлари:
- “Ўзбек геология қидирув” АЖ харид тартиб тамойилини амалга оширганда зарар келтирадиган ва бошқа харид субъектларининг қонуний ҳуқуқ ва манфаатларини чеклайдиган манфаатлар қарама-қаршилиги бўлишига, шу жумладан, аффилирланганлик бўлиши олдини олишлари шарт;
 - ҳар қандай бўлиши мумкин ёки мавжуд манфаатлар қарама-қаршилиги, шу жумладан, аффилирланиш борлиги ҳақидаги маълумотни ошкор қилиш кафолатини беришлари керак.
- 11.8.5. Мавжуд ёки эҳтимол қилинаётган манфаатлар қарама-қаршилиги борлигини билган “Ўзбек геология қидирув” АЖ харид тартиб тамойили субъектлари бу ҳақда ўзларининг бевосита раҳбарларига ва “Ўзбек геология қидирув” АЖ Мувофиқлик хизматига хабар қилишлари шарт. Манфаатлар қарама-қаршилиги, шу жумладан, аффилирланиш борлиги ҳақида хабар олган раҳбар бунга йўл қўймаслик ёки ҳал қилиш чорасини кўриши ва кўрилган чоралар ҳақида “Ўзбек геология қидирув” АЖ Мувофиқлик хизматига хабар қилиши керак.
- 11.8.6. Белгиланган муддат ичида текшириш ўтказишнинг имкони бўлмаса текшириш ўтказиладиган муддат Харид комиссиясининг баённомаси билан 3 иш кунидан ошмайдиган вақтга узайтирилиши мумкин.
- 11.8.7. Бошланғич нарх ва электрон дўкон нархи камайтириб ўтказиладиган аукционда харид шартномаси тузган контрагентлар текширилмайди.
- 11.8.8. Бундан ташқари, қуйидаги контрагентлар ҳам текширилмайди:
- “Ўзбек геология қидирув” АО Геология вазирлиги таркибига қирадиган ташкилотлар билан шартнома тузган бўлса;
 - коммунал хизмат ва шунга ўхшаш бошқа хизмат билан шуғулланадиган контрагентлар (шу жумладан, электр таъминоти, табиий газ таъминоти, иситиш таъминоти, муҳандислик техника таъминоти, ичимлик суви таъминоти, оқава сувни чиқариш, оқава сувни тозалаш, қаттиқ маиший чиқиндини утилизация қиладиган (қўмадиган) ташкилотлар) ва нархини давлат белгилайдиган товар (иш, хизмат) сотадиган ташкилотлар билан шартнома муносабатларига киришилган бўлса;
 - Ўзбекистон Республикасининг табиий монополия субъектлари давлат реестрига киритилган контрагентлар билан шартнома муносабатларига киришилган бўлса;

12. ХАРИД ТАРТИБ ТАМОЙИЛИНИ ТАШКИЛ ҚИЛИШ ВА ЎТКАЗИШ

- 12.1. Харид тартиб тамойили ўтказилишидан олдин Мониторинг бўлими тасдиқланган йиллик иш режаси мониторингини ўтказиб онборда қолган маҳсулотни жадвалдаги маълумот билан солиштиради.
- 12.2. Харид бошқармасининг масъул ижрочиси чораклик товар (иш, хизмат) сотиб олиш ҳақидаги Харид комиссия баённомасини расмийлаштиради ва Харид комиссия аъзоларининг имзосини қўйиб тасдиқлатади. Харид бошқармасининг масъул ижрочиси харид тартиб тамойилига амал қилиб ўз йўналиши бўйича Баённомада тасдиқланган товарларни сотиб олади.
- 12.3. Товарлар (иш, хизмат)нинг бошланғич нархини аниқлаш учун ишлаб чиқарувчи заводларга, ваколатли дистрибюторларга, расмий дилерларга ва бошқа тадбиркорлик субъектларига тижорат таклифи бериш ҳақида расмий сўров жўнатилади, шу билан бир вақтда импорт ўрнини босадиган маҳсулот борлигини билиш учун cooperation.uz сайтидаги МАПда сўров берилади.
- 12.4. Тўпланган маълумотга (олинган ТТга) асосан масъул ижрочи ҳар битта хариднинг бошланғич нархини

(Рақобат варағини) расмийлаштиради.

- 12.5. Расмийлаштирилган ҳужжатлар тўлиқлиги ва бозор нархларига тўғри келишини билиш учун масъул ижрочи тўпланган материалларнинг ҳаммасини Маркетинг бўлимига топширади.
- 12.6. Маркетинг бўлими қуйидагилардан иборат бўладиган маҳсулот етказиб берувчи мижозлар базасини (жадвал кўринишида Рўйхат) тузади:
- Товарнинг номи
 - Ташкилотнинг номи
 - Почта манзили
 - Боғланиш
 - Ташкилотнинг сайти
 - Товари (иши, хизмати)нинг ўртача нархи.
- Маркетинг бўлими ҳар чорак юқоридаги рўйхатда ёзилган нархларни янгилаб туради.
- 12.7. Маркетинг бўлими Харид бўлимидан олинган материаллар (Харид комиссиясининг баённомаси, импорт ўрнига харид қилиш ҳақидаги сўров (скриншот), техник топширик (зарурат бўлса), танлаш ёки тендер бўйича харид ҳужжатлари (қонунчилик назарда тутадиган ҳолларда), ТТ бериш ҳақидаги сўров, олинган ТТ, ҳисоблаб чиқарилган бошланғич нарх) тўлиқлигини текшириб кўради.
- 12.8. Маркетинг бўлими 3 иш кунда нархларни мижозлар базасидаги нархлар билан, ҳисоблаб чиқарилган бошланғич нархни эса бозор нархи билан солиштиради.
- 12.9. Топширилган ҳужжатларда камчилик бўлса ёки сотиб олинadиган товар (иш, хизмат) нархи бозор нархига тўғри келмаса Маркетинг бўлими тўлдириши учун тўпланган ҳужжатларни масъул ижрочига қайтаради.
- 12.10. Масъул ижрочи топширган ҳужжатлар тўғри бўлса Маркетинг бўлими маркетинг хулосасини расмийлаштиради ва харид турига қараб керакли харид тартиб тамойилини ўтказиши учун тўпланган ҳужжатларни тегишли ижрочига беради (Ҳамкорлик портали, Дўкон, Аукцион, Энг яхши таклифни танлаш, Тендер, Спот, Бевосита шартнома тузиш).
- 12.11. Топширилган ҳужжатлар тўпламига Маркетинг бўлимининг яхши хулосасини олгандан сўнг ижрочи, қандай харид тартиб тамойили танланганига қараб, товар (иш, хизмат) сотиб олишни бошлайди.
- 12.12. Савдога келишилмаган ва тегишли тартибда тасдиқланмаган харид ҳужжатлари тўплами қўйилгани учун раҳбарлар ва Харид бошқармасининг масъул ижрочиси жавоб беради. Шу билан бирга, коррупция бўлмаслиги учун, МАПда жойланадиган техник топшириқда Жамият раҳбарлари ҳақидаги шахсий маълумот, шу жумладан, уларнинг телефон рақамлари, электрон почта манзиллари бўлмаслиги керак.
- 12.13. Маҳсулот сотувчилар товарни Марказий онборга (бундан кейинги ўринларда МО) етказиб беришини шахсан масъул ижрочи ташкил қилади ва товар онборга олиб келиниши учун зарур ҳужжатлар (ишонч хати расмийлаштиришга сўров бериш, уни электрон платформада жойлаштириш, сотилган товарга маҳсулот етказиб берувчининг ҳисоб фактурасини олишни) расмийлаштирилиши учун жавоб беради.
- 12.14. Шартнома расмийлаштирилганидан сўнг масъул ижрочи товар етказиб берувчидан товар етказиб бериладиган санани, унинг шартномада кўрсатилган меъзонларга тўғри келишини аниқлаштиради (намунасини (фотосуратини) олади), зарурат бўлса товар етказиб берувчининг онборига боради. Етказиб бериладиган товар ҳужжатларини (сертификати, паспортини) сўрайди.
- 12.15. Тўпланган маълумотга асосланиб масъул ижрочи уни ҳужжатда ёзилган маълумот (йиллик ва чораликлик режалар, қўшимча аризалар ва ҳ.к.) билан солиштиради, буюртмачидан (харид ташаббусчисидан) етказиб берилиши режа қилинган товарнинг техник кўрсаткичлар ва хусусиятларга тўғри келишини аниқлаштиради.
- 12.16. Товар етказиб бериладиган санани аниқлаштирганидан сўнг масъул ижрочи Марказий ҳисобхонага ишонч хати расмийлаштиришга сўров беради. Етказиб бериладиган товар ўрнининг каталогда рақами бўлса расмийлаштирилаётган сўровнинг "номи" деб ёзилган сатрида албатта шу рақамни кўрсатади (технологик воситалар, эҳтиёт қисмлар ва ҳ.к.).
- 12.17. Масъул ижрочи, товар маълум қилинган техник кўрсаткичлар ва хусусиятларга тўғри келишини текширганидан сўнг, қўшиб бериладиган ва бошқа зарур ҳужжатлари борлиги ва маҳсулот етказиб берувчи юкни олиб бориб беришга тайёр эканини билганидан кейин, режа қилинган товар етказиб бериладиган санадан бир кун олдин белгиланган тартибда Моддий техник таъминот бўлимини (бундан кейинги ўринларда "МТТБ") хабардор қилади ва электрон кўринишда қуйидаги ҳужжатлар ва маълумотни жўнатади:
- Шартнома - файл кўринишидаги шартноманинг сканери;
 - Шартномага кўра етказиб бериладиган товар - товарнинг номи;
 - Товар етказиб бериладиган (етказиб берилиши режа қилинган) сана - кун ва соат;

- Буюртмачи - АЖ МБХ бўлими (хизмати) ва масъул шахснинг фамилияси;
 - Шартномани ижро этувчи - Харид бошқармаси ходимининг фамилияси;
 - Ишонч хати борлиги - Жамият Марказий ҳисобхонасига бундан кейинги ўринларда МХ) сўров берилган сана ва ишонч хати берилгани ҳақидаги маълумот;
 - Ҳисоб-фактура борлиги - маҳсулот етказиб берувчи ҳисоб-фактура бергани ҳақидаги маълумот (Тушум ордери расмийлаштирилмагунча харидор имзо қўймайди);
 - Мувофиқлик сертификати (ва/ёки келиб чиқиш сертификати), паспорт, агар зарурат бўлса - мувофиқлик сертификатининг (ва/ёки келиб чиқиш сертификатининг), паспортнинг файл кўринишидаги сканерланган нусхаси;
 - Маҳсулот етказиб берувчи - маҳсулот етказиб берувчи вакилининг исми, фамилияси, телефони.
- 12.18. Масъул ижрочи маҳсулот етказиб берувчи товарни етказиб берадиган вақтгача ҳисоб фактура ҳам беришини ва унда ушбу Низом 12.17-бандида айtilган маълумот кўрсатилган бўлишини таъминлайди (агар бўлса).
- 12.19. Юк МОга олиб келинганда масъул ижрочи маҳсулот етказиб берувчида (унинг расмий вакилида) олиб келинган товарга қўшиб бериладиган ҳужжатлар ҳам бўлишини таъминлайди (қоғозга чиқарилган юк хати ёки ҳисоб фактура, мувофиқлик сертификатларининг (ва/ёки келиб чиқиш сертификатларининг) асли, товар паспорти).
- 12.20. Маҳсулот етказиб берувчи (унинг расмий вакили) товарга қўшиб бериладиган ҳужжатларни топширмаса, шунингдек, МО ходимларига 12.18-бандда айtilган ҳужжатларни ва маълумотни вақтида жўнатмаса МО ТМҚни қабул қилмайди.
- 12.21. Таксичига, курьерга ёки хусусий шахсга топшириб жўнатилган ва тегишли ҳужжати бўлмаган товарлар МОга қабул қилинмайди.
- 12.22. Маҳсулот етказиб берувчилардан келадиган товарлар душанба (санитария куни), дам олиш кунлари (шанба, якшанба) ва байрам кунларидан ташқари ҳамда тушқи танаффусдан (13.00 дан 14.00 гача) бошқа вақтда соат 13.00 дан 14.00 гача қабул қилинади.
- 12.23. Юкни қабул қилиш учун ишонч хати билан ишлайдиган ходим (МТТ бўлимининг етакчи мутахассиси) жавоб беради. Маҳсулот етказиб берувчи МОга олиб келган товарни комиссия ҳузурида ишонч хати билан ишлайдиган ходим қабул қилиб олади. Товар маҳсулот етказиб берувчининг онборидан олинганда (ўзи олиб кетганда) ишонч хати билан ишлайдиган ходим уни ўзи жойида қабул қилиб олади ва МОга олиб келади.
- 12.24. МОга келган товарлар қуйидаги тартибда тушум қилинади:
- 12.24.1. Ишонч хати билан ишлайдиган ходим комиссия (шартномани бажарувчи, МТТ бўлимининг бошлиғи ва етакчи мутахассиси (материал ҳисобчи) ва товар сотиб олинган харид ташаббусчиси бўлган буюртмачининг вакили) ҳузурида тузилган шартномага ва маҳсулот етказиб берувчидан олинган юк хати ва ҳисоб фактурага мувофиқ ТМҚни хили ва миқдори бўйича онбор мудирига топширади;
- 12.24.2. Ишонч хати билан ишлайдиган ходим (МТТ бўлимининг етакчи мутахассиси) товар МОга қабул қилиб олингани ҳақидаги ҳужжатларни масъул шахсга (МТТ бўлимининг етакчи мутахассисига (материал ҳисобчига) Тушум ордери расмийлаштириш учун топширади.
- 12.24.3. Товар онборга қабул қилиб олингани "Сотиб олинган товар-материал қимматлиларни тушум қилиш ва ҳақини тўлаш ҳақидаги низом"га мувофиқ, товар олиб келинган куни Тушум ордери билан расмийлаштирилади.
- 12.24.4. Тушум ордерида албатта қуйидаги маълумот ёзилган бўлиши керак: ордер рақами ва товар тушум қилинган сана; товар сотиб олинган шартноманинг рақами ва санаси: юкка қўшиб берилган ва товар шунга асосан олиб келинган ҳисоб фактуранинг рақами ва санаси; шартнома тузган ташкилот; товарнинг номи (агар бўлса товар позициялариинг каталогдаги ва заводда берилган рақамлари ҳам кўрсатилади), товарнинг миқдори ва нархи;
- 12.24.5. Топширувчи (ишонч хати билан ишлайдиган ходим), қабул қилувчи (МО мудир) ва комиссия аъзолари имзолаган Тушум ордери кейинги иш кунидан кечиктирмай Мониторинг бўлимига берилади. Мониторинг бўлимининг ходими Тушум ордеридаги маълумотни ҳужжатлар (шартнома, товарга қўшиб берилган ҳисоб фактура ва ҳқ.) билан солиштиради, олинган товар ҳақидаги маълумотни электрон ҳисобга олиш шаклига ёзиб қўяди, унга визасини қўяди ва тасдиқлатиш учун Харидларни мувофиқлаш ва таҳлил қилиш бошқармаси бошлиғига (у бўлмаганда эса Харид бошқармаси бошлиғига) топширади.
- 12.24.6. Тўлиқ расмийлаштирилган Тушум ордери Жамиятнинг Марказий ҳисобхонасига (бундан кейинги ўринларда МХ) топширилади, битта нусхаси Мониторинг бўлимининг иш жилдида қолади, сканер қилинган нусхаси эса масъул шахсга (МТТ бўлимининг етакчи мутахассисига - материал ҳисобчига)

жўнатилади;

- 12.24.7. Масъул шахс (МТТ бўлимининг етакчи мутахассиси - материал ҳисобчи) олинган Тушум ордери сканер нусхасини қоғозга чиқаради, сўнг уни ишонч хати билан ишлайдиган ходимга (МТТ бўлимининг етакчи мутахассисига) имзо қўйиш учун беради ва охирида МО иш жилдига қўшиб қўйиш учун МТТ бўлими бошлиғига топширади;
- 12.24.8. Тўлиқ расмийлаштирилган Тушум ордерининг сканер нусхасини олганидан сўнг ишонч хати билан ишлайдиган ходим (МТТ бўлимининг етакчи мутахассиси) шартномада (спецификацияда), ишонч хатида, тушум ордерида ва товарга қўшиб берилган ҳисоб фактурадаги маълумот бир-бирига тўғри келишини текшириб кўради, солиштиргандан кейингина маҳсулот етказиб берувчи топширган электрон ҳисоб фактурага имзо қўяди.
- 12.24.9. Олинган товар Тушум ордери ва томонлар имзолаган ҳисоб фактурага асосланиб МХда ҳисобга қўйилади (МО мудирининг жавобгарлиғига ўтади). МХнинг масъул ходими товарни ҳисобга қўйишдан олдин албатта Тушум ордерида кўрсатилган маълумотни (IDOX ёки my.soliq тизимидаги) электрон ҳисоб фактурада ёзилган маълумот билан солиштиради, бундан ташқари, улар тўлиқ ва тўғри расмийлаштирилганини текширади ва бу ҳақда Тушум ордерига виза қўяди.
- 12.25. Юқорида айтилган тартиб тамойил ўтганидан кейин ва юқорида айтилган ҳужжатлар расмийлаштирилганидан сўнггина товар МО мудирининг жавобгарлиғига қабул қилинган, деб ҳисобланади.
- 12.26. 12.25-банддаги талаблар бажарилмаса товарни Жамият МХда ҳисобга олиш таъқиқланади.
- 12.27. Товарлар МОга тўғри тушум қилиниши учун Жамият МХ ваколатли ходими жавоб беради.
- 12.28. Алоқа воситалари бўйича масъул ижрочи ўзининг ижросидаги барча шартномалар бўйича маҳсулот етказиб берувчилар ўз мажбуриятларини бажариши ва товарни (ишни, хизматни) вақтида етказиб беришини назорат қилади. Товар етказиб бериладиган муддат тугашига 3-5 иш куни қолганда телефон қилиб етказиб берувчига хабар беради ва товар вақтида етказиб берилмаса жарима солиниши ҳақида огоҳлантиради.
- 12.29. Етказиб берувчи товарни шартномада кўрсатилган муддатда етказиб бермаса масъул ижрочи кейинги кун етказиб берувчига товар етказиб бериш вақти ўтиб кетганини хабар беради ва шу муносабат билан шартнома бекор қилиниши ҳамда буюртмачининг фойдасига жарима олиниб қонунга мувофиқ чора кўрилишини маълум қилади. Шундан сўнг 10 иш кунлик муддат ичида товар етказиб берилиши шарт экани тўғрисида етказиб берувчига эътироз хати жўнатади. Етказиб берувчи буюртмачининг фойдасига жарима ундириб шартномани бекор қилишга рози бўлмаган тақдирда масала ҳал қилингунча гаровга қўйилган сумма музлатиб қўйилади.
- 12.30. Эътироз хатида кўрсатилган муддат ичида товар етказиб берилмаса масъул ижрочи Даъво аризаси тузиш ва уни туманлараро иқтисодий судга жўнатиш учун шартнома билан боғлиқ зарур ҳужжатларни Жамиятнинг Ҳуқуқ бўлимига топширади.
- 12.31. Ҳар битта харид турининг масъул ижрочиси расмийлаштирилган (товар) Тушум ордери ва тасдиқланган ҳисоб фактура бўлгандагина тўлов ўтказилади.
- 12.32. Масъул ижрочи белгиланган шаклдаги электрон кўринишда тузилган ҳамма шартномалар ҳисобини юритади. Тузилган шартномалар ҳақидаги маълумот ҳар ой умумлаштириш ва назорат қилиш учун Маркетинг бўлимига топширилади.
- 12.33. Ҳамма харидни ҳисобга олиш ва назорат қилиш учун масъул ижрочи ҳар битта харид бўйича тузилган ҳужжатлар тўпламини Мониторинг бўлимига топширади.
- 12.34. Мониторинг бўлими ҳар ой ҳақиқатда бажарилган йиллик ва қўшимча заявкалар сони, онборда қолган товар миқдори ва товарлар вақтида берилганини таҳлил қилади.

13. МАРКАЗИЙ ОНБОРДАН ТОВАР ОЛИШ ТАРТИБИ

- 13.1. Жамият Марказий омборига келган ва айна вақтда у ерда турган товарларни Жамият Бошқарув Раисининг йўналишлар бўйича ўринбосарлари (харид ташаббусчилари) товар ва материалларнинг тури, ишлаб чиқариш билан боғлиқ эҳтиёж ва талабга қараб таркибий бўлинмаларга тақсимлашади. Харид ташаббусчилари харид қилинган товарни вақтида тақсимлаш, МОдан олиб кетиш ва самарали ишлатиш учун шахсан жавоб беришади.
- 13.2. Таркибий ташкилотларга товарлар душанба (санитария куни), дам олиш кунлари (шанба, якшанба) ва байрам кунларидан ташқари ҳамда тушқи танаффусдан (13.00 дан 14.00 гача) бошқа вақтда соат 09.00 дан 17.00 гача берилади.

- 13.3. Тошкентга хизмат сафари билан келган ишонч хати билан ишлайдиган ходим (МТТ бўлимининг ходими ёки таркибий ташкилотнинг ваколатли вакили) тасдиқланган Таксимлаш жадвалига мувофиқ Юк хатига асосан Жамият МОдан товар ва материаллар олади.
- 13.4. Шундан сўнг Мониторинг бўлимида бухгалтерия берган Юк хати тушум маълумоти ва Таксимлаш жадвали (билдирув) билан солиштирилади, Мониторинг бўлимида ҳисобга олинади ва бўлим ваколатли ходимининг имзоси қўйилади. Шундан сўнг Юк хати қуйидаги кетма-кетликда имзоланади: бош ҳисобчи, Техник сиёсат бошқармаси бошлиғи ва/ёки Бошқарув раисининг техник масалалар бўйича ўринбосари ва/ёки Бошқарув раисининг ўринбосари-Бош муҳандис (ёки фаолият турига мувофиқ бошқа ваколатли шахслар имзолайди).
- 13.5. Шундан сўнг таркибий ташкилотнинг ишонч хати билан ишлайдиган ходими товар ва материалларни олиш учун МОга боради. МОга келганда ҳамма шахсий электрон воситалар: телефон, планшет, ноутбук ва ҳк. сақлаш учун эшик олдида қолдирилади.
- 13.6. Таркибий бўлинма транспорт воситалари товар олиш учун МОга фақат олинadиган юкнинг ҳужжати расмийлаштирилгандан кейингина киришлари мумкин.
- 13.7. Транспорт воситаларининг МОга кириши ва ундан чиқиши, шунингдек, унинг ҳудудига таъқиқланган буюмлар олиб кирилгани ва онбордан рухсат этилмаган товар ва материаллар олиб чиқилгани учун навбатчиликда турган қоровул жавоб беради.
- 13.8. МО ҳудудига кириш учун рухсат берилганидан сўнг таркибий бўлинма транспорт воситасига товар ва материалларни ишонч хати билан ишлайдиган ходим ҳозир бўлиб турган вақтда омбор ишчилари юклашади ҳамда шу ходим олинган товар расмийлаштирилган ҳужжатларга мувофиқ тўлиқ юкланишини назорат қилиб туради.
- 13.9. Юклаш тугаганидан сўнг МО мудир ва таркибий бўлинманинги ишонч хати билан ишлайдиган ходими товар ва материаллар топширилгани ва қабул қилиб олингани ҳақидаги Юк хатига имзо қўйишади.
- 13.10. МО ҳудудидан чиқаётганда Юк хати қоравулга берилади ва қоравул транспорт воситасига юкланган товар ва материаллар Юк хати билан қараб солиштиради. Юк хати юкланган товар ва материалларга мос экани ҳақида қоравул МТТ бўлими бошлиғига ҳисоб беради. Шундан сўнг транспорт воситаси ва таркибий бўлинманинги ишонч хати билан ишлайдиган ходими МО ҳудудидан чиқиб кетади.
- 13.11. Таркибий бўлинманинги ишонч хати билан ишлайдиган ходими ва транспорт воситаси МО ҳудудидан чиқиб кетганидан сўнг олинган товарнинг миқдори ва сифатига эътироз қабул қилинмайди.

14. НОХАЛОЛ ТОВАР (ИШ, ХИЗМАТ) ЕТКАЗИБ БЕРУВЧИЛАР РЕЕСТРИ

- 14.1. Виждонсиз етказиб берувчилар реестри қонунчиликка мувофиқ, виждонсиз товар (иш, хизмат) етказиб берувчилар ҳисобини юритиш учун тузилади.
- 14.2. Виждонсиз етказиб берувчилар реестри давлат харидлари МАПда Виждонсиз етказиб берувчилар ягона реестрига киритилган етказиб берувчилардан тузилади.
- 14.3. Виждонсиз ижрочилар (етказиб берувчилар) ягона реестрига киритилмаган виждонсиз етказиб берувчилар маълум бўлганда масъул ижрочи асосланган таклиф тайёрлайди, шу жумладан, унда маълум бир шартномани бажариш доирасида жавобгарлик ижрочига юклангани ҳақидаги иқтисодий суднинг қарори кўрсатилади (илова қилинади) ҳамда уни кўриб чиқиш учун Харид комиссиясига топширади, шундан сўнг ушбу етказиб берувчи ҳақидаги маълумотни, Виждонсиз етказиб берувчилар ягона реестрига қўшиш учун, Ўзбекистон Республикасининг ваколатли органига таклиф берилади. Таклиф 3-иловага мувофиқ тайёрланади.
- 14.4. "Ўзбек геология қидирув" АЖга сифати талабга жавоб берадиган ва манфаатли бўлган шарт билан товар етказиб берувчиларнинг имконияти ва истаги асосий самарадорлик кўрсаткичлари (АСК) билан баҳоланади.
Баҳолаш ўтказиш ва етказиб берувчи танлашнинг асосий мақсади – таркибий бўлинмаларни сифатли, юқори даражада самарали, энергияни тежайдиган ҳамда экологик хавфсизлик талабларига жавоб берадиган маҳсулот билан керакли вақтда ва оптимал нарх билан таъминлаш ҳисобланади.
- 14.5. Етказиб берувчи фаолияти самарадорлигини гуруҳларга бўлиб баҳолашнинг асосий кўрсаткичлари қуйидагилардан иборат бўлади:
 - бирга ишлашнинг молиявий натижаси (нарх ҳақидаги келишувларга амал қилиши, нарх сиёсати эгилувчанлиги, чегирмалар бериши ва ҳк.);
 - етказиб берилган маҳсулотнинг сифати (стандартларга мос бўлиши), умумий партиядagi брак маҳсулот улуши, (сифат ёмон бўлгани учун) рекламациялар (қайтарилган маҳсулот) фоизи;
 - сотиб олинган маҳсулотни етказиб берганда логистикасининг ишончли экан ("бажарилган" буюртмалар фоизи, етказиб бериш кўрсаткичлари барқарорлигига эришиши, етказиб бериш жадвалига амал қилиши (вақтида бажариши), йўлда юк сақланишини таъминлаши, юкка қўшиб бериладиган товар ва транспорт

хужжатларини тўғри расмийлаштириши, буюртма ҳажми ва номенклатурасини бажараолиши ва ҳк.);
- харидга берилган буюртмани бажариш вақти (буюртма бажариладиган умумий вақт, буюртма берилган товар партиясининг бутланиши (ишлаб чиқарилиши), етказиб бериш (юкни олиб келиш) вақти, юклаб жўнатиш вақти ва ҳк.).

- 14.6. Етказиб берувчи самарадорлигини билиш учун қуйидаги кўрсаткичлар ҳам қўлланиши мумкин: брак қилинган товарлар (%) - буюртмадаги брак миқдорининг (дона) умумий товарлар сонига нисбати. Брак товар - қандай бўлса ҳам камчилиги бор товар (ишламайди, хужжатлари йўқ, қутиси шикастланган ва ҳк.); инвойс тўғри тўлдирилгани (%) - инвойсдаги хатоли сатрлар сонининг умумий сатрлар сонига нисбати; вақтида олиб келинган буюртмалар фоизи (%) - вақтида олиб келинган товарларнинг буюртмадаги умумий товарлар миқдорига нисбати (шу жумладан, буюртмадаги вақтида олиб келинган товарлар сатрининг умумий товарлар сатрига нисбати); буюртма тўлиқ бажарилиши (%) - тўлиқ олиб келинган товарлар сонининг (ёки буюртмадаги сатрлар сони) буюртма берилган умумий товарлар сонига нисбати (ёки буюртмадаги умумий товарлар сатрига нисбати), товарлар сони ва ассортименти; олиб келиш вақти (кун, соат) - етказиб берувчига буюртма берилган кундан (соатдан) бошлаб товар олиб келинган кунгача (соатгача) ўтган вақт.

15. ЯКУНИЙ ҚОИДАЛАР

- 15.1. Ушбу Низом тасдиқланган ва амал қилишни бошлаган санадан бошлаб кучга киради.
15.2. Ушбу Низомга қонунчилик талаблари ўзгариши ва бошқа объектив сабабларга кўра ўзгариш ва қўшимча киритилиши мумкин.
15.3. Ушбу Низом қоидалари билан Ўзбекистон Республикаси қонунчилиги ўртасида қарама-қаршилик бўлганда Ўзбекистон Республикаси қонунчилигининг меъёр ва қоидалари қўлланади.
15.4. Ушбу Низом талаб ва меъёрларини бузган шахслар қонунчилик белгилаган тартибда шахсан жавоб беришади.

"Ўзбек геология қидирув"
АЖ харид фаолияти тўғрисидаги Низомга
1-илова

**"Ўзбек геология қидирув" АЖ Харид комиссиясининг харид тартиб тамойили турини
танлаш ҳақидаги йиғилиш БАЁННОМАСИ**

Тошкент шаҳри

« _____ » _____ 2024йил

КУН ТАРТИБИ:

1. Электрон ҳамкорлик порталида (cooperation.uz) рўйхатдан ўтган маҳаллий ишлаб чиқарувчилар маҳсулотини (товар иш, хизмат номи) харид қилиш имкониятини ўрганиш.
2. (товар, иш, хизмат номи) сотиб олиш учун ўтказиладиган харид тартиб тамойили турини танлаш.

Кўриб чиқиш: _____ (электрон ҳамкорлик порталида импорт ўрнини босадиган бошқа маҳсулотга сўров бериш
натижасини кўриб чиқиш, харид тартиб тамойили турини танлаш ҳақидаги таклиф)

Комиссия қарори:

1. Зарур маҳсулот (товар, иш, хизмат номи) _____
1-иловада берилган маълумотга мувофиқ махсус ахборот портали (ҳамкорлик портали, электрон дўкон, тендер, спот) орқали
сотиб олинсин
2. Қуйидаги харид тури юзасидан харид ҳужжатлари келишиб олинсин (энг яхши таклифни танлаш, тендер).
3. Харид ҳужжатларининг 3-иловасига мувофиқ (энг яхши таклифни танлаш, тендер) иштирокчиларни малакали
танлаш тартиби ва меъзонлари, шунингдек, техник ва тижорат таклифларининг нархига баҳо берилсин.

Харид комиссия раисининг

ФИО

ўринбосари - _____

Комиссия аъзолари:

Ф.И.О.

Ф.И.О.

Ф.И.О.

(Харид комиссиясининг таркиби ва аъзолари алоҳида буйруқ билан тасдиқланади)

Харид комиссияси котиби:

Ф.И.О.

Тел.: _____

Имзо

Баённоманинг орқа томонига чоп этилади:

Харид комиссия
баённомасига илова

Харид ташаббусчиси (таркибий бўлинма)

№	Товар (иш, хизмат) номи	Ўлчов бирлиги	Микдори	Ишлаб чиқарувчи	Бир бирлигининг бошланғич нархи	Умумий суммаси	Норезидентлар билан боғлиқ қўшимча харажат			ТНВЭ Д коди	Лот №	Онбордаги колдик	Бир йиллик эҳтиёж
						ҚҚС билан/ҚҚС йўқ	божхона харажати,	акциз, %	ҚҚС, %				
1.	1-товар (Ўзбекча/рус)			1-ишлаб чиқарувчи									
				2-ишлаб									
2.	2-товар (Ўзбекча/рус)			1-ишлаб чиқарувчи									
				2-ишлаб									

Махсус ахборот портали (xarid.uzex.uz ёки xt-xarid.uz)	
ЕТКАЗИБ БЕРИШ ШАРТИ	
Етказиб бериш муддати, кун	
Кафолат муддати	
Техник хусусияти	
Функционал хусусияти	
Давлат ва халқаро стандартлар	
Алоҳида шартлар	

Харид комиссиясининг раиси-	_____	Ф.И.О
Харид таклифини берувчи	_____	Ф.И.О.
Йуналиш буйича бошлиқ	_____	Ф.И.О.
Харидлар бўлими бошлиғи	_____	Ф.И.О.
Маркетинг бўлими бошлиғи	_____	Ф.И.О.

Ижрочи:
Ф.И.О
Тел.:
Имзо

"Ўзбек геология қидирув"
АЖ харид фаолияти тўғрисидаги Низомга
2-илова

29.01.2021 йилдаги 41-сон ВМҚга мувофик махсулотни импорт қилишга рухсат борлиги

1. Тури	Товар
2. Товарнинг номи	
3. ТЕВЭД коди	
4. Ўлчов бирлиги	
5. Микдори	
6. Битта бирлигининг нархи	(АҚШ доллари; евро, рубл)
7. Функционал хусусияти	(қўлланадиган соҳа ва усул)
8. Техник хусусияти	(товарнинг батафсил техник тавсифи)
9. Сифат хусусияти	(товарни қўллаш усули)
10. Физик хусусияти	
11. Маҳаллий товарлардан фарқи	(тегишли таҳлил ва синовлар хулосаси)
12. Кимёвий формуласи	
13. Яроқлилик муддати	
14. Саклаш ва ташиш шартлари	(давлат стандарти ва халқаро стандартлар)
15. Тасдиқланган техник топширик (PDF форматда)	

Харид бошқармаси бошлиғи

Ф.И.О.

Ижрочи: Ф.И.О.

Тел.:

Имзо

"Ўзбек геология қидирув"
АЖ харид фаолияти тўғрисидаги Низомга
3-илова

"Ўзбек геология қидирув" АЖ Бошқарув раиси
ёки
Бошқарув раисининг харид бўйича ўринбосари

Ишончсиз товар (иш, хизмат) етказиб берувчилар реестрига қўшиш ҳақидаги Таклиф

таклиф берувчи _____
(таркибий ташкилотнинг тўлиқ номи)
йўналиш _____

Етказиб берувчи ҳақидаги маълумот:

ҳуқуқий шахснинг тўлиқ номи:

фаолият тури: _____

СТИР: _____

Раҳбарнинг Ф.И.О.: _____

Телефон (факс) рақами: _____

Ишончсиз маҳсулот етказиб берувчилар реестрига қўшиш учун асос:

- 1) _____
- 2) _____
- 3) _____

Бошқарма бошлиғи (йўналиш бўйича)

Ф.И.О.

Ҳуқуқ бўлими визаси

Порядок и критерии квалификационного отбора участников, а также технической и ценовой оценки технико-коммерческих предложений.

1. Квалификационный отбор (оценка).

Осуществляется закупочной комиссией до начала рассмотрения технической и коммерческой частей отбора.

№	Критерии	Примечание	Шкала балльной оценки
1			0-1
2			0-1
3			0-1
4			0-1
5			0-1
6			0-1
7			0-1

Примечание: баллы представляются исходя из соответствия критериям квалификационного требования и предоставляются либо «0» балла для несоответствующих параметров, либо «1» баллов – для соответствующих параметров.». Участники, чьи предложения не прошли квалификационную оценку (получившие «0» балла, хотя бы за один критерий таблицы №2), отстраняются от участия в отборе наилучших предложение.», а участник, прошедший квалификационную оценку (получившие «1» балла за все критерии таблицы №2) переходит на следующий этап оценки (техническая).

2. Техническая оценка предложений.

Осуществляется закупочной комиссией на основании технических критериев оценки, указанных в данной таблице.

Таблица №3

№	Критерии	Примечание	Шкала балльной оценки
1			0-1
2			0-1
3			0-1

Максимальный балл (максимальная сумма квалификационного отбора и технической оценки) составляет 10 балла, при этом, проходной балл составляет 9 балла.

Примечание: баллы представляются исходя из соответствия критериям технических требований и предоставляются либо «0» балла для несоответствующих параметров, «1» бал для соответствующих параметров.

Оценка осуществляется на основании документов технического предложения. Участники, чьи предложения не прошли техническую оценку (получившие «0» балла), отстраняются от участия в отборе наилучших предложений.», участник, прошедший техническую оценку (получившие «1» бал) переходит на следующий этап оценки (ценовая).

Итоги квалификационного отбора и технической оценки:

Максимальный балл (сумма макс. баллов квалификационного отбора и технической оценки)	Минимальный проходной балл
10	9

3. Ценовая оценка предложений.

Критерии ценовой оценки - единственным критерием ценовой части документации является сумма договора (стартовая цена).

Таблица №4

№	Критерий	Оценка	Примечание
1	Количественный показатель ценового предложения	Наименьшая цена – наивысший балл. Наивысшая цена – наименьший балл.	Более высокая цена по отношению к наименьшей цене оценивается как соразмерное понижение балла в процентном соотношении

Примечание: Предложения, несоответствующие условиям оплаты, указанной в ценовой части закупочной документации по отбору наилучших предложений, дисквалифицируются.

В целях корректного сравнения цен иностранных и отечественных участников тендера, при оценке будут учтены соответствующие расходы (налоги, таможенные платежи и иные обязательные платежи), в случаях, предусмотренных действующим законодательством Республики Узбекистан.

При участии в торгах двух и более местных производителей вместе с иностранными поставщиками - местным производителям применяются ценовые преференции в соответствии с постановлением Кабинета Министров Республики Узбекистан от 29.01.2021 г. № 41.».

Весовой коэффициент технико-квалификационной части: 70%

Весовой коэффициент ценовой части: 30%

Примечание: Для каждого вида продукции требования (критерии) разрабатываются отдельно по форме, утвержденной в настоящем приложении.

Изоҳ: Ҳар бир турдаги маҳсулотлар учун ушбу иловада тасдиқланган шаклда бироқ алоҳида алоҳида талаблар (критерия) ишлаб чиқилади.